

道光肇慶府志

肇慶府志卷二十二

事紀

秦

始皇二十六年以屠睢爲南海尉史祿爲南海郡丞

肇慶屬皆南海

郡地吳志

秦使屠睢擊越事淮南王安得之傳聞故其諫救南越書但云秦之時嘗使尉屠睢擊越不云二十六年也且秦置南海郡在始皇三十三年見於史記舊志云二十六年誤矣屠睢監祿漢書但云尉屠睢監祿而已不知爲何郡之尉監祿晏注亦不云南海之尉與監也考淮南子秦王使尉屠睢發卒五十萬與越人戰越人皆入叢薄中莫肯爲秦虜和置桀駿以爲將而夜攻秦人大破之殺尉屠睢據

此則置南海郡時屠睢已死焉得有爲南海尉之事乎監祿韋昭史記註曰監御史名祿張晏漢書註與韋昭同後人謂史佚其姓因史爲官名故稱史祿太平御覽采臨桂圖經云灘水昔秦命御史監史祿自零陵鑿渠出零陵下灘水是也據此則史乃祿之姓也非官名臨桂圖經北宋以前書是時古籍猶存必出於王範交廣春秋諸亡書之內不可謂其說無所據也

阮通志

三十三年以任囂爲南海郡尉

吳志

漢

高帝元年南海尉任囂卒龍川令趙佗代

同上

十一年立佗爲南越王使陸賈卽授璽綬佗稽首稱臣

漢書高祖

本紀

文帝元年召陸賈爲大中大夫賜佗書

漢書南越王傳

按漢書高后紀高后五年南越王尉佗自稱南武帝  
史記尉佗傳云乘黃屋左纛稱制與中國侔及孝文帝元年召賈爲大中大夫謁者一人爲副使復使南越  
夷堅志云賈道過端溪石山默禱曰能下佗當以錦裹石爲山靈報下越還募人遍植花卉以代錦因名錦石山

武帝元鼎六年置南海蒼梧合浦等郡

武帝紀

元鼎五年南越王相呂嘉反殺漢使者及其王王太后秋遣伏波將軍路博德出桂陽下湟水樓船將軍楊僕出豫章下潁水歸義越侯嚴爲戈船將軍出零陵下灘水

嚴故

降爲歸義侯甲爲下瀨將軍下蒼梧

甲故越人歸漢也

皆將罪人江淮

以南樓船十萬人越馳義侯亦越人也遣別將巴蜀罪人發夜

郎兵下牂牁江咸會番禺六年十月得呂嘉首遂定越地

以爲南海蒼梧鬱林合浦交阯九真日南珠厓儋耳郡同上

按今四會廣寧屬南海新興恩平陽春陽江屬合浦

高要高明德慶封川開建屬蒼梧

靈帝光和元年合浦交阯烏蠻反四年夏交阯刺史朱儁討

破之靈帝紀

中平元年六月交阯屯兵執刺史及合浦太守來達交阯刺

史賈琮討平之同上

建安八年士燮爲交阯太守晉書地理志

蒼梧士燮爲交阯太守交州刺史朱符爲夷賊所殺州郡

擾亂燮表其弟壹領合浦太守蒯領九真太守武領南海

太守燮雄長一州偏在萬里威尊無上出入儀衛甚盛震服百蠻朝廷遣南陽張津爲交州刺史爲其將區景所殺劉表遣零陵賴恭代津爲刺史蒼梧太守史璜死表亦遣吳巨代之朝廷賜燮璽書以燮爲綏南中郎將董督七郡領交陞太守如故巨與恭相失巨兵逐恭恭走還零陵孫權以番禺太守步騭爲交州刺史燮遣兄弟奉承節度吳巨外附內違騭誘而斬之威聲大震權加燮左將軍遣子入質由是嶺南始服屬於權

資治通鑑

十六年交州刺史賴恭自廣信合兵小零陵追步騭

郾道元水經注

衡毅錢博拒步騭於高要峽毅投水死博與其屬亡於高涼

太平御覽

水經注引王氏交廣春秋曰步騭殺吳巨區景使嚴舟船

合兵二萬下取南海蒼梧人衡毅錢博宿巨部伍興軍逆

隲於蒼梧高要峽口於是反戰毅與衆投水死者千有餘

人

趙一清水經注釋云竊謂交廣春秋千有餘人句下必有博亡走高涼之文蓋因其事與高要無涉不復徵引

耳阮通志

吳

大帝黃武五年衛將軍龍編侯交阯太守士燮卒

本傳

燮卒權以交阯縣遠分合浦以北爲廣州呂岱爲刺史交阯以南爲交州戴良爲刺史又遣陳時爲交阯太守燮子徽自署交阯太守發兵拒良呂岱被詔誅徽

同上

按舊志於士燮卒書漢建興四年以蜀爲正統之意但此地當時已屬孫權燮亦歸吳書吳年號者著其實也

晉

武帝太康元年蒼梧太守王毅降

晉書

六年南安新興縣山崩水湧出

宋書五

八年十一月海安令蕭輔反

武帝紀海安

惠帝元康元年夏五月熒惑入南斗

晉書占曰兵大起在吳

表大震

大安二年春正月熒惑入南斗

晉書占云天子出走是年河

月周玘等起兵討石冰寇退自臨淮趨壽

穆帝升平五年分蒼梧置新興晉康二郡

晉書占云北斗第五星曰

安帝義熙六年春三月月掩斗衡

太守徐道復及盧循寇湖中

七年將軍孫處卒於晉康

宋書孫



七年二月盧循至番禺爲孫季高所破孫處傳高祖遣季高率衆三千汎海襲番禺季高先焚舟艦悉力登岸會天大霧四面陵城卽日克拔季高拒戰二十餘日循乃破走至鬱林會病不得窮討循得走向交州四月季高卒於晉

康

宋書武帝紀

帝奕太和五年符堅破鄴執慕容暉歸晉安封新興侯

晉書本傳

簡文帝咸安九年立武陵威王晞子遵爲新寧王

晉書武陵王傳

郡晉置今肇慶府地

宋

武帝大明二年襄陵太守蕭惠開襲封封陽縣侯

宋書本傳

梁

武帝普通二年蕭映封廣信侯

梁宗室傳

臨川王宏子蕭正則封樂山侯

梁書太祖五王傳

大同三年江西俚帥陳文徹寇高要未幾降

南史蕭

蘭欽爲衡州刺史赴職經廣州因破俚帥陳文徹兄弟並

擒之

梁書蕭欽傳

蘭欽征夷獠擒陳文徹所獲不可勝計獻大

銅鼓累代所無

陳書歐陽顛傳

五年慧出南斗

文獻通考慧出南斗漸長一丈餘占曰吳越有兵其後李賁稱帝于交州發吳越兵討之

新

八年以陳霸先爲西江督護高要郡守

高祖本紀

新喻侯蕭映爲吳興太守甚重高祖及映爲廣州刺史高

祖爲中直兵參軍隨府之鎮令高祖招集士馬衆至千人

監宋隆郡尋監西江督護高要郡守

同上

殺新州刺史盧子雄西江督護高要太守陳霸先討盧子

等平之

新興志

卷三十三

五

武林侯蕭諮爲交州刺史以哀刻失衆心土人李賁連結數州豪傑同反上臺遣新州刺史盧子雄同高州刺史孫罔將兵擊之時春草已生瘴癘方起子雄等請待秋討之廣州刺史蕭映不聽蕭諮復促之不得已至合浦死者十六七衆潰散引兵還蕭諮啟子雄等與賊交通逗留不進賜死子雄弟畧及杜僧明周文育等帥衆攻廣州叅軍陳霸先帥精甲三千擊破之擒僧明文育霸先以二人驍勇過人釋之以爲主帥詔以霸先爲直閣將軍

陳書

大清元年除陳霸先鎮遠將軍西江督護高要太守督七郡

諸軍事

陳書高帝紀

高祖至交州李賁衆潰傳首京師賁弟天德遁入九真霸

先討平之除鎮遠將軍督七郡諸軍事

同上

簡文帝大寶元年蕭大莊封新興王大摯封綏建王

今四會縣地

蕭恬封南安侯

今高明縣地梁書太宗十一王傳

元帝承聖元年授杜僧明新州刺史

新興志

僧明字宏照廣陵臨澤人初同兄天合從盧安興征狸獠

有功爲新州防助安興死復副其子子雄雄爲蕭諮陷死

天合謀於衆曰盧公累世待我等厚枉死不報非丈夫也

我弟僧明萬人之敵號召百姓破城斬二侯以祭盧復東

手詣廷尉死猶勝生遂推雄弟子畧子烈率衆結盟一日

之中衆至數萬陳高祖時爲高要太守率兵討平之殺天

合僧明降武帝歎異之從征交阯討元景仲敗蔡路養擒

蘭裕李遷仕元帝承制授假節清野將軍新州刺史

陳書

陳

高祖永定二年以馮僕爲陽春太守

陽春志

高梁太守馮寶卒海隅擾亂寶妻冼氏懷集部落數州晏然其子僕生九年是歲僕帥會長入朝詔以僕爲陽春太守

宣帝大建元年廣州刺史歐陽紇反陽春太守馮僕發兵拒

之俱同上

歐陽頎子紇字奉聖頗有幹畧天嘉中除黃門侍郎員外散騎常侍累遷安遠將軍衡州刺史襲封陽山郡公都督交廣十九州諸軍事廣州刺史在州十餘年威畏著於百越高宗以紇久在南服頗疑之大建元年詔徵紇爲左將軍紇懼遂舉兵攻衡州詔章昭達討之

歐陽頎傳

歐陽紘謀反召陽春郡馮僕至高要誘與爲亂僕遣使歸告洗夫人夫人曰我爲忠貞經今兩代不能惜汝輒負國家遂發兵拒境帥百越酋長迎章昭達內外逼之紘徒潰

散

譙國夫人傳

二年封陽春太守馮僕爲信都侯

陽春志

歐陽紘伏誅封僕爲信都侯母洗氏爲石龍郡太夫人

同上

後主至德元年高祖第二十八子叔純封新興王

陳書高宗二十九王傳

四年高祖第三十二子叔隆封新寧王

同上

蘭陵人蕭摩珂以誅始興王叔陵功封綏建郡公

陳書本傳

河內人司馬卬以討叔陵功封文招縣伯

文招宋置今德慶州地文獻通考

隋

文帝仁壽元年潮成等五州獠反高州酋長馮盎討平之阮通

志

五州獠反馮盎馳詣京師請討之勅楊素與盎論賊形勢

卽遣盎擊之事平除漠陽太守同上

煬帝大業九年夏五月熒惑入南斗八月賊帥陳瑄等衆三

萬攻陷信安郡煬帝紀

十二年秋九月有星孛於南斗隋書有二枉矢出北斗魁委曲蛇形見于南斗是冬林士

宏自稱楚帝改元太平其地南及番禺皆爲其所有番禺高法澄南海鄧文進兵起據廣州新興志

廬江人陳陵以破楊元感功封信安侯隋書本傳

唐

高祖武德三年隋左衛大將軍馮盎擊新州賊洗寶徹擒之

吳志

林士宏操師乞爲盜隋大業十二年遣治書御史劉子詡討賊射殺師乞士宏收其衆自號南越王新興舊志新州賊帥冼寶徹受士宏節度殺害隋官吏益率兵擊破之徹兄子智臣復聚兵於新州益趨擊之兵交益大呼曰爾等識我否衆棄戈羅拜擒寶徹智臣嶺外遂定衆說益曰隋季崩離南越未定公克平亂畧請上南越王號益曰吾居南越於茲五代一門牧伯富貴已極常恐弗克負荷以墜先業餘復何求武德四年益以南越之衆降高祖授益上

柱國封越國公

舊唐書林士宏傳

四年梁蕭銑黃門侍郎劉洎率嶺表五十餘城降

新春建甌封等州是

也  
興志  
新

先是銑遣劉洎畧地嶺表得五十餘城未還而銑敗洎以



所得城降除南康州都督長史

通鑑

封太祖後郇王房叔良弟德良爲新興王

唐書宗室世系表兼采文獻通考

七年出宿國公程知節爲康州刺史

德慶志

太宗貞觀元年改南康州屬嶺南道詔嶺南以米充租調

同上

中宗長安三年貶魏元忠高要尉

本傳

四年勅光燕客爲檢校新興令

本傳

燕客爲新興丞有德政長安元年以事入對三年正月得

朝集屢請還家五月得請仍在荊州玉泉寺新興吏民僧

道千餘人請監察御史裴茂宗伏闕上表請公爲新興令

前後刺史鄧仁裕李宗甫相繼奏請四年四月勅公檢校

新興令爲政四年治績可紀閭朝隱碑述其事

新興志

神龍元年貶韋承慶爲高要尉

二年貶張柬之新州司馬

睿宗太極元年流劉幽求於封州

元宗開元元年流尚書右丞盧藏用於新州

流郭元振於新州

俱本傳

二年竹有花實大饑

唐書本紀

八年流駙馬都尉裴虛已於新州

十年流吏部侍郎姜晦於春州

俱本傳

十二年改封太宗後吳王恪孫禕爲信安郡王

唐宗室世系表

十六年戊辰春瀧等州獠叛討平之

吳志

二十六年九月貶劍南節度使王昱爲高要尉

天寶元年置清海軍於恩州

俱同上

改康州爲晉康郡以端溪析置晉康都城悅城隸之

德慶志

五載秋長流庸使韋堅於臨封有傳

堅太子與妃兄爲李林甫所譖下獄流臨封吳志

十三載勅嶺南五府貢舉唐書本紀

代宗大歷十年封第五子連爲恩王十五子遇爲端王二十子傳

德宗建中四年貶盧杞爲新州司馬白志貞爲恩州司馬

興元元年嶺南選補使陳歸有罪配恩州

十五年流進士趙博宣於康州

憲宗元和十一年貶董重質爲春州司戶

穆宗長慶四年貶李紳爲端州司馬

敬宗寶歷元年流太學博士李涉於康州

文宗太和九年貶侍御史李甘爲封州司馬

武宗會昌四年貶澧州刺史崔珙爲恩州司馬流學士李宗

閔於封州

六年起李宗閔爲郴州司馬未離封州卒

俱本傳

宣宗大中四年開建大莫村瑞蓮生

封川志

五年賜開建莫宣卿狀元及第

吳志

六年貶驍衛將軍張直方爲恩州司戶

懿宗咸通八年貶楊收爲端州司馬

俱本傳

九年貶禮部郎中魏管爲春州司馬

吳志

十一年貶康承訓爲恩州司馬

十三年貶杜裔爲端州司戶

俱本傳

十四年貶路巖爲新州刺史學士承旨張勣爲封州司馬

德慶

志作張楊

僖宗乾符元年徙劉瞻爲康州刺史

三年貶太常少卿崔渾爲康州刺史俱本傳

六年黃巢掠封州端州吳志

乾符六年四月黃巢陷桂管五月圍廣州與廣南節度使

李巖書求保薦乞天平節鉞陷廣州掠嶺南諸郡僖宗紀

中和元年貶高滄爲端州刺史僖宗紀

三年以廣州牙將劉謙爲封州刺史通鑑

昭宗乾寧元年封州刺史劉謙卒以其子隱爲封州刺史

三年以封州刺史劉隱爲清海行軍司馬俱同上

三年正月制以特進戶部尙書兼京兆尹嗣薛王知柔檢

校司徒兼廣州刺史御史大夫清海軍節度嶺東道觀察

處置等使十二月薛王知柔行至湖南廣州牙將盧瑒譚

宏玘據境拒之使宏玘守端州宏玘結封州刺史劉隱許

妻以女隱僞許之託言親迎伏甲舟中夜入端州斬宏珙  
遂襲廣州斬琚具軍容迎知柔視事表隱爲行軍司馬

宗昭

### 南漢

大有元年楚人攻封州使蘇章擊敗之

吳志書天成三年阮通志書大有元年此

地既屬南漢當從通志書漢年號

大有元年三月楚大舉水軍擊漢圍封州漢主以周易筮  
之遇大有於是改年命左右衛使蘇章將神弩三千戰艦  
百艘救封州楚兵大敗以章爲封州團練使

通鑑輯覽

### 宋

太祖建隆三年劉鋹以李托爲內太師

歐史

鋹以宦者李托養女爲貴妃專寵托爲內太師居中專政

同上 托

封州李鶴不奉法詔卽誅之

劉文裕傳

太宗卽位分命親信於諸道廉官善惡密以聞嶺南使者

言封州李鶴誣奏軍吏謀反詔誅之

同上

太宗淳化二年罷端州貢硯

宋史本紀

至道二年秋大雨水

同上

眞宗景德四年遣內侍高品等集兵守高要峽口

高要志

知宜州劉永規馭下殘酷軍校乘衆怨殺永規叛陷柳城

縣分兵掠廣州

宋史曹利用傳

上語近臣曰番禺寶貨雄富賊若

募驍果立謀主沿流東下趣廣州則爲患深矣遣內侍高

品周文質使廣州監屯兵會邾路巡檢使控要路集東西

海戰檣扼端州峽口

張繼能傳

仁宗康定元年以包拯知端州事本傳

皇祐元年太白犯南斗五行志

四年廣源蠻儂智高圍康端封三州端州知軍州事丁寶臣

棄城走東軒筆錄知康州趙師旦知封州曹覲皆死之通鑑

智高陷邕州卽州建大南國自稱仁惠皇帝時天下久安

廣南州郡無備智高所向守臣輒棄城走遂陷橫貴藤梧

康端龔封八州知封州曹覲知康州趙師旦皆戰死同上

按康封之陷皆在皇祐四年吳志載曹覲事於五年

誤

五年遣使撫問廣南將校賜軍士綿錢二月勅廣南凡戰殘者給樁櫨護送還家無王者葬祭之賊所過郡縣免其田租一年死事家科徭二年貢舉人免解至禮部不須奏名者亦



以名聞

仁宗紀

嘉祐六年詔嶺南官死於儂賊而其家流落未能自歸者所

在給食護送還鄉

同上

妖賊岑探圍新州將官童政殺平民數千

蘇軾劄

廣東妖賊岑探圍新州差將官童政救之政攻賊殺平民數千其害甚於岑探朝廷使江西提刑傅燮體量其事畏

避權勢歸罪於新州官吏

同上

哲宗元祐四年安置蔡確於新州

本傳

紹聖二年封遂寧王佶爲端王

哲宗紀

四年安置尙書右僕射劉摯於新州

元符二年竄右正言鄒浩於新州

俱本傳

三年升端州爲興慶軍十一月詔修六朝寶訓降德音於端

州減囚罪一等徒以下釋之

徽宗紀

徽宗重和元年端州升爲府更名肇慶御書肇慶府額賜守

臣

輿地紀勝

廣東運判燕瑛奏興慶軍元係端州夤緣陛下潛邸欲望親灑宸翰賜以美名遂賜名肇慶府明王偃肇慶府麗譙樓記畧重和初陞州爲府更名肇慶大書肇慶府額賜守臣卽府治前築臺構屋以御書揭焉

同

宣和二年進封廣平王構爲康王

德慶志

高宗紹興元年升康州爲德慶州

十二年竄編修胡銓於新州

本傳

十七年貶洪皓於新州

本傳

十九年免新恩州行錢

高宗紀

二十一年安置學士胡寅於新州

本傳

三十年海賊陳演添掠高雷二州南恩州民林觀禽殺之命

觀以官

高宗紀

太祖後秦王房從郁贈新興侯

文獻通考

太宗後漢王房仲穆封康國公

宗室世表

孝宗乾道元年蠲封州德慶肇慶之四會稅賦

羊宗紀

廣東帥臣林安宅言近者湖南凶賊奔衝本路韶連南雄封州德慶肇慶之四會廣州之懷集清遠皆遭蹂踐乞依

廣西例免今年夏秋二稅

文獻通考

二年流賊圍康州七日乃解

德慶志

淳熙三年貶湯邦彥於新州

本傳

寧宗慶元五年大水詔賑之

寧宗紀

開禧元年旱詔賑之

同上

嘉定十四年旱

五行志

理宗紹定元年熒惑犯南斗

同上

六年廣州摧鋒軍叛入端州廣東經畧安撫使崔與之屬提

刑彭鉉討平之

高要志

端平初崔與之授廣東經畧安撫使兼知廣州先是廣州

摧鋒軍遠戍建康留四年比撤戍歸未逾嶺就留戍江西

又四年轉戰皆捷而上功幕府不報求撤戍又不報遂相

率倡亂從惠陽郡長驅至廣州與之家居肩輿登城叛兵

望之俯伏聽命曉以逆順禍福其徒皆釋甲而首謀數人

懼事定獨受禍遂率之遁去入古端州以自固至是命與

之卽家治事屬提刑彭鉉討捕俄而新調諸軍畢集賊賊

敗請降桀黠不悛者戮之其餘分隸諸州

崔與之傳

寶祐元年旱

理宗紀

景定三年安置丁大全於新州

本傳

端宗景炎二年肇慶府新封等州降於元

元史世祖紀

元

世祖至元十五年

宋祥興元年

劉宗純據德慶府萬戶朱國寶攻

之焚其寨遂拔德慶

通鑑輯覽

六月己巳星隕於海

高要志

有大星東南流墜於海小星千餘隨之聲如雷

二王紀

南恩新州何華張翼舉兵興復不克死之其衆降

朱國寶傳

何華張翼舉兵興復軍勢甚盛國寶選精銳擊殺華翼斬

首萬餘級俘五百人船七百艘奪軍器無算降其將十餘

軍士二百民三萬餘戶

同上

十六年

宋祥興二年

二月張宏範及宋張世傑戰于厓山世傑兵

潰陸秀夫負其主衛王昺赴海死之世傑復收兵至海陵山

舟覆而死

通鑑輯覽

宏範等兵至世傑悉焚行朝草市結大舶千餘作水砦爲  
死守計宏範至據海口樵汲道絕茹乾糧渴甚掬海水飲  
之水鹹卽嘔泄兵大困世傑率蘇劉義方興日大戰宏範  
得世傑甥韓命以官使三至招之世傑曰吾知降生且富  
貴但爲主死不移耳二月宏範舟泊中流世傑奪港去後  
欲奉楊太妃求趙氏後立之俄颶風壞舟溺死平章山下

宋史張世傑傳

十八年德慶州瀧水獠作亂

黃通志

二十四年盜寇肇慶左丞劉國傑平之

元史劉國傑傳

廣東盜起寇肇慶其魁鄧大獠居前寨劉大獠居後寨相依以爲固國傑趨擣後寨破之遂拔前寨擒斬二人捕民

結盜者皆杖殺之

同上

成宗元貞元年南恩盜起滅里于初

父高闡兒安遠大將軍季陽萬戶府萬戶滅里

于初襲父職領兵鎮廣東

兒高闡傳

大德八年獠賊寇新州宣尉使阿里討平之

新興志

仁宗延祐元年肇慶路水發廩減價賑糶

仁宗紀

五年德慶路地震

六年南恩新州獠賊龍卽庚等爲亂命江西行省發兵討之

七年新州饑賑之

俱同上

英宗至治元年賑南恩新州饑肇慶路水

英宗紀

二年南恩州賊譚庚生等降

同上

三年德慶路瀧水縣獠劉寅降

秦定帝紀

秦定帝秦定元年南恩州民饑發粟賑之

封親王圖卜特穆爾爲懷王食邑端州六萬五千戶

肇慶獠黃寶才等降

俱同上

南恩州饑

五行志

二年肇慶高要縣大水

同上

肇慶新州南恩州饑賑糶有差

秦定

帝紀

海北獠曾盤吉祥寇陽春縣命江西行省督兵捕之

南恩州饑賑糧一月德慶路饑賑糧鈔有差

三年九月南恩州旱民饑賑之

四年德慶路獠來降歸所掠男女悉給其親

俱同上



文宗至順元年廣西賊陷封州焚掠州治

吳志

三年賑肇慶饑民九千五百四十口

文宗紀

順帝元統三年廣西盜陷肇慶府城

高要志

至正六年安置河南省右丞相伯顏於恩州

吳志

十年江溢民多墊餒

黃通志

十三年寇犯德慶左轄叅軍李質討平之

吳志 德慶人 質

悅城鄉民何國賓金林鄉民張宗達聚眾倡亂質時爲左轄何真叅軍遣質歸募鄉兵二萬餘立柵龍岡同陳文仲設防守計官舍民居蕩爲灰燼守令將帥悉付印綬於質質亦挺身爲民命寄十四年十月質遣姪伯豫督募兵七千討國賓平之十五年正月擒張宗達斬之餘黨悉平

德慶志

十七年盜據恩州

吳志

奸民吳元良等私立萬戶長強徵民糧行劫新興新會至是據城叛自稱元帥二十六年蛋戶何均受滅之而襲其

號

恩州志

二十五年賀州賊掠封川

吳志

二十七年以江西省員外郎李質鎮守封川

黃通志

元以質權僉福建江西等處行樞密院事故有是命

吳志

二十八年海南海北諸郡皆降於明

順帝紀

明

太祖洪武元年四月贛州衛指揮使陸仲亨略地至肇慶進

攻德慶元守將張鵬程棄城走

明典景

十一月李質以德慶封川歸附以質爲奉訓大夫中書省斷

事黃通志

征南將軍廖永忠擒恩平蛋賊何均受戮之

吳志

三年征南大將軍廖永忠封德慶侯

十三年子權襲明史本傳

六年十二月廣州衛指揮僉事楊璟平海陵盜

黃通志

壬子五月海賊李夫人鍾萬戶徐仙姑數於海晏下川大  
儋文特等地劫掠璟同指揮范懷率舟師勦捕至陽江海  
陵遇賊船二百艘擊敗之斬僞總兵李福全李夫人賊眾  
一百七十人隨率舟師至繼頭山遇賊船出洋督官軍追  
至速頭港與戰至那泥港殺溺甚眾擒僞總兵陳貴等二  
十八人斬於軍前又令雷州衛千戶王清等追捕通賊羅  
以終於潘浦殺海陵賊二百餘人於吳川東礮州

郝通志

八年冬有星孛於南斗

十二年五月靖江右相李質卒

德慶志

十三年南雄侯趙庸鎮廣東討陽春蠻

太祖紀

十四年四會大羅山賊攻府城遣千戶徐旺討之

吳志

二十二年瀧水獠亂命總兵指揮劉儵等討平之

同上

二十三年德慶旱大饑知州孫彬勸有粟者貸之

黃通志

三十一年德慶西山獠盤窮賜等亂命指揮王濟等討平之

德慶志

太宗永樂元年陽江縣人黃福銘率獠人入貢授福銘撫獠

三簿

陽江志

三年十一月修肇慶四會雅鵲水等堤岸

黃通志

六年令瀧水縣丞馮原泰招諭向化計戶百六十口五百餘

至是獠首駱第二來朝賜鈔幣襲衣

同上

陳朶朶陳大奴陳八蠻招撫猺目盤永用入朝貢方物賜

鈔幣及綢絹衣亦在永樂六年又舊志言永樂間茂名縣

吏陳通以瀧水猺目盤永用入貢授撫猺主簿後襲撫猺

巡檢而記馮原泰事於八年與黃通志異統錄并彖德慶志

八年正月蠲肇慶府絕戶租稅黃通志

十年夏六月陞瀧水猺縣丞馮原泰本州撫猺判官撫綏德

慶瀧水諸猺德慶志

歲貢南漆等物賜各猺勅諭同

十一年二月新興肇慶府學生廖謙以猺目梁福壽等入朝

以謙為新興縣典史撫之賜福壽等衣鈔新興志

十三年八月猺目周八十八入朝貢方物賜衣鈔德慶志

有星孛於南斗新興志

英宗正統元年霍雨傷稼

五行志

二年廣西流賊糾猺賊陷新興入城剽掠公私一空

黃通志

四年以施振爲撫猺招主

陽江志

十一年德慶隴水諸猺亂撫猺判官馮述死之

德慶志

德慶猺鳳廣山隴水猺趙音旺倡亂僭稱將軍述戰死州

民孟曙招撫乃降自是民田多爲所陷

同上

十四年高要賊吳大飪等叛應黃蕭養都督董興遣指揮武

殺捕誅之

高要志

蕭養南海人貌甚陋眇一目而有智坐盜在郡獄所臥竹

床皮忽青漸生枝葉同禁者江西商人詭言祥瑞因教以

不軌使人藏利斧飯桶中破肘鑿越獄出凡十九人商人

亦逸其黨駕船以待遂入海嘯聚羣盜旬月得萬餘人攻

圍府城幾爲所破又設僞官招誘愚民漸至十餘萬蕭養  
遂僭稱東陽王改元授僞官百餘人據五羊驛爲行宮四  
出剽掠高要賊利尖頭吳大飢等應之聚衆萬餘據楊梅  
大幕清泰上下倉等郡兵莫能制都督董興旣誅蕭養  
乃遣都指揮武毅等帥兵駐井黃逕口剿捕諸賊擒斬五  
千餘黨散入會寧民漸復業同上

廣西流賊陷新興寇封川

吳志

景帝景泰元年詔免經苗賊者租稅

黃通志

四年六月巡按御史盛景諭隴水獠降之

同上

五年三月總督兩廣副都御史馬昂破隴水獠

景帝紀

隴水獠賊趙音旺合諸山叛獠大肆劫掠昂調兵直抵其  
巢斬獲甚衆而載在七年與明紀異

德慶志

英宗天順元年四月瀧水獠鳳弟吉作亂巡撫都御史葉盛

討平之

英宗紀

先是瀧水獠鳳廣山恃險爲患其子弟吉於廣山死後稱鳳二將軍招集各山獠編爲旗手殺手劫掠鄉落攻圍州治陷沒指揮陳廣聚等軍至是盛調兩廣兵於連灘立中軍都督指揮胡英由陽春魚子水韓宣由岑溪思盧新樂徐昇由鷄骨嶺章倭由羅旁水口各道並進副總兵歐信左叅將范信伐木開道直搗其巢斬三百四十五級餘多饑死招撫脅從築壘戍守而以弟吉等獻俘京師

德慶志

德慶州叛陳震請豁虛稅

震言天順元年被流賊及都城鄉下城山賊首觀得逍遙山賊首鳳二糾結獠賊劫掠聚落殺擄男女一千八十三



口燒毀廬舍掠去牛財無算卽今把截道路殘民星散村落空虛田禾被賊刈取遺下被劫田糧六千五十一石四斗八升無從措辦乞行布政司勘明除豁以蘇民困俱同上

二年春猺叛知府黃瑜撫之

吳志

八月西寇陷新興城十一月復陷

同上

西寇糾猺賊蕭韶蕭滿丁烏觜等陷城明年義士歐現赴

京奏准發兵

新興志

五月猺目彭震等入貢七月高要土猺鄧鉞等入貢

高要志

三年詔討流賊

黃通志

三年五月廣西流賊攻肇慶州縣詔討之勅鎮守兩廣少監阮能朱祥總兵官左都督劉深副總兵都督同知歐信等以廣西賊越廣東攻城肇慶州縣鄉村爲患不已勅至

會議督調守備官軍士兵民壯勦賊同心協力運謀設策  
或搗其巢穴或攻其要害殄滅無遺領軍官畏縮誤事失  
機巡撫都御史葉盛奏究爾等愼之同上

流賊攻肇慶州縣開建知縣朱燮典史蘇善死之吳志

十月賊陷德慶戮指揮僉事章俊以徇黃通志

兵部奏廣東德慶州知州周剛等言都指揮僉事章俊不  
理軍務每日淫酗爲樂聞知流賊將至先棄堡入城及賊  
臨城又携妾媵棄城先遁遂至城陷乞行巡按御史等官  
執章俊正其罪具奏待報就彼斬首從之同上

四年夏旱五月流賊寇封川吳志

六月復寇

七年搖賊陷陽江城俱同上

八年正月詔免稅役

德慶志

是月二十二日詔廣東等處賊寇生發多因官司取辦物件守令不得其人以致饑寒迫身不得已而爲盜詔書到日有能悔過自散者悉宥其罪聽從復業所司加意優恤免其戶下稅糧差役三年

城開建

俱同上

憲宗成化元年二月廣西大藤峽賊寇肇慶府城以趙輔爲征夷將軍韓雍爲僉都御史贊理軍務討之

吳志

守臣奏廣西猺獠流劫廣東又越湖廣江右日益蔓延乞選將征討兵部尙書王竑亦言賊非大創不止薦韓雍統兵乃命趙輔爲征夷將軍召雍爲僉都御史贊理軍務開納粟例以備兩廣兵餉

通鑑輯覽

三月按察司副使毛吉討賊恩平不克死之吳志

七月德慶大水黃通志

十一月赦兩廣盜賊郝通志

十一月詔兩廣盜賊生發去處軍民饑寒所迫流移他處不得已相聚爲盜詔書到日許令自新免其糧差二年官司善加撫恤同上

二年兵備僉事陶魯築恩平堡城吳志

三年民間行掛索錢以二當一謂之掛索 高要志

五年賊陷陽春城僉事陶魯擊走之吳志

城封川德慶志

十一年析高要清泰等都置高明縣高明志

十五年猺賊寇陽春僉事陶魯擊走之吳志

星房月示 卷三十三  
析陽江新興新會地立恩平縣恩平志

十六年五月高要大水高要志

二十一年大水明典彙

城中水高丈餘漂流房屋布政司陳選不待報發粟賑之

德慶志

孝宗宏治四年瀧水後山賊亂總督右都御史秦紘總兵官伏羌伯毛銳討平之吳志

後山賊爲患已久乍服乍叛總督秦紘乃委署嶺西道湖廣按察使陶魯討之魯曰先平瀧水而後後山可攻也督叅將陳皞都指揮白五馬義進攻瀧水深入石狗紅豆雲楊白梅火燒風門鐵場諸山捕斬五百三十九級獲妻子一百四十人器仗三百六十事被掠三十一人瀧水平乃

東駐太平營督義及指揮李敬何清所部爲四軍攻破野  
鴨員魚坑藍蕘青芒黃峒鐵筒白雲禾谿乍平小長江金  
坑黃竹長坪等山捕斬一千八百七十四級獲妻子一百  
五十七人被掠二百七人脅從盡釋寇平

德慶志

七年六月高明地震

黃通志

十一年七月總制兩廣右都御史鄧廷瓚調兵征四會等處

宿盜李景先覃傑等殲之生擒惡黨二百餘悉伏誅

明典彙

十四年瀧水知縣翟觀令獐立寨禦獍

德慶志

天順成化間民遭盜賊不遑寧處知縣翟觀立東西二營

集義勇繕甲兵撫順剿逆又於綠山一帶召獐之馴者立

寨耕守獍不敢犯民得安居

同上

十五年獍賊入陽春燬縣治總旗徐洪死之

黃通志

十六年始設嶺西道兵備兼分巡僉事於肇慶府城

高要志

成化四年都御史揭稽奏設副使一人整飭高肇兵備二十一年革宏治九年復設整飭高肇雷廉四府至是巡按御史華璉奏四府並隸廣西遙遠請分設兵備以責其成兵部以分設兵備未免與分巡僉事牴牾乃以嶺西道分巡僉事兼高肇兵備駐肇慶

同上

武宗正德元年德慶州猺寇郡城殺千戶林熙高謙巡檢牟智

吳志

四年署開建巡檢鄭甲死於賊

五年猺賊劫恩平新興縣庫

俱同上

賊首吳鳳鄧一山潛入焚掠

新興志

四月詔撫流民

德慶志

七年兵備僉事汪鉉討陽春獠敗績

吳志

分巡嶺西道僉事汪鉉督兵進討以石綠獠子爲鄉導獠與獠通引入深險被傷甚衆自是不敢言用兵矣

新興志

賊劫陽江縣庫焚縣治

吳志

八年五月德慶日中雨石大如拳小似卵

二申野錄

十一年六月陽江淫雨山崩

郝通志

十四年土賊流劫陽江陽春恩平新興諸縣殺陽江教諭陳

策等討平之

吳志

恩平賊蘇萬里陽江賊馬文廣等聚衆流劫春江恩新諸縣屯蓮塘樂安之間總督楊旦叅政章極僉事陳綱議調獠兵遣指揮卜玉陽春知縣黃寬分道剿之擒斬九百七十名獲賊屬二百八十四名

陽江志



封川文德石硯猺亂巡撫蕭翀遣叅政章極僉事陳綱知府

王瑗剿之不克

吳志

十四年都城鄉賊首鄭公厚等聚眾亂僭稱通天通地大

王封川歸仁鄉賊首蒙公高等聚眾亂號剗平王

德慶志

十五年廣西賊寇封川官軍禦之敗績殺指揮左龍士卒死

者甚眾

吳志

十五年鄭公厚蒙公高合勢寇封川殺指揮張口千戶王

謙達官馬驥等賊眾至三千殺擄千餘人

德慶志

十六年討封川開建亂猺平之

吳志

封川石硯猺合開建賀縣猺流劫巡撫蕭翀徵兵分三軍

進討俘斬六百一十九級

五月封川大水民饑歸仁鄉獐叛副使王大用叅議周用僉

事沈炤屯兵下營村禦之

時討石硯獠或謂獠賊多遁於歸仁鄉獠匿之有司檄撫  
獠迹捕撫獠藉此株連索賄致獠日蒙公高等怒叛據白  
馬麒麟二山劫金林悅城鄉殺掠千餘人

世宗嘉靖元年都御史張嶺討封川叛獠官軍攻白馬麒麟  
二山久不克

二年都御史張嶺討嶺西賊平之

賊首蔡猛三糾恩平新寧等賊衆至數萬僭立名號爲害  
已久至是都御史張嶺總兵撫寧侯朱麟討之俘斬一萬  
四千級

十一月獠賊掠陽春兵備副使王六用分守叅政羅僑討之

俱同

陽江賊首嚴院聚眾侵掠大用統兵追至龐洞擒之十二  
月僑兵繼至斬獲甚眾嗣後屢犯屢遁歲無安堵

陽春志

三年招撫封川獍賊陽春獍賊

吳志

元年剿叛獍陳公鏡蒙公高餘黨悉從招撫

德慶志

是年叅政羅僑招復獍目梁烏皮等三百餘人

陽春志

四年獍賊襲殺守備指揮李松德慶州判官陳琚

吳志

松琚憤獍爲患以廣西毒藥中之者遲歲月而後斃人莫  
知其爲毒也因謀設墟南岸使州民與之貿易乃置毒焉  
可不勞而治賊酋趙木子知其謀及松琚至請曰我等慕  
公高誼欲爲公上壽但畏兵威不敢近耳松琚屏去衛卒  
賊裹甲遂襲之後新建伯王守仁獲賊以祭二人之墓

德慶志

五年十月西賊寇郡城不克德慶知州周文煇殲之

吳志

廣西鈞岩賊寇德慶無所獲以十月十四日猝犯郡城闕  
廂以東被掠者千餘人兵備以下閉門惴慄而已時楚兵  
征田州岑猛凱旋過州知州周文煇請於統兵王叅議邀  
其歸路大破之賊潰至封川文德鄉鄉民守石狗逕又破  
之俘斬數十級餘黨槁死山中自是不敢犯境

德慶志

陽春恩平大風拔木

旣通志

廣西蠻賊劫德慶高要右都御史姚鏞討平之

郭通志

六年高明山崩二百丈壞民田四十頃

同上

高明縣知縣陳坡擒賊於小峒

七年恩平賊宗英廖弟奴等亂尋獲誅之

同上

八年二月兩廣蠻亂提督侍郎林富遣總兵官張祐等討平

之吳

九年德慶地震聲如雷

阮通志

十年陽春徭賊趙林花等陷高州

阮通志

叢載云兩廣盜賊蜂起趙林花據陽春西山攻陷高州府及茂名縣掠帑逃走巡撫林富落俵黎文貴劫鬱林州許折桂劫海濱皆未擒總兵仇鸞以盜息聞科官張潤身劾其欺罔並諸將曠職宜黜木兵僅議奪俸

阮通志

十二月德慶州雪明年大熟

阮通志

十二年九月廣東巢賊亂提督侍郎陶諧討平之

世宗紀

陽春西山德慶東山新興石壁諸巢賊首趙林花全師安盤世寬等皆恃險剽掠嘗攻高州殺官兵騷擾數十年至是諧等調兵六萬三千三道並進破寨百二十五俘斬三

千八百獲賊屬三千七百以捷聞

郝通志

按叢載所言仇鸞並無平賊之功而吳志於十二年陶諧剿趙林花等賊並書總兵官威寧侯仇鸞殊爲失實今不從趙林花陽春人吳志書新興賊林兆花則姓名籍貫皆失考矣

十三年十月恩平陽江地震有聲如雷

十四年五月大水御史戴璟賑活甚衆奏蠲民租

俱同上

十六年五月大水

德慶志

屋上乘舟民皆避於城壘自二月初四至十三乃退視十

四年水高一尺五寸

同上

十九年九月熒惑犯南斗匝旬兩犯

郝通志

二十一年十一月封川麒麟白馬二山鳴其鳴如雷

占爲兵兆明年

山獠蘇公樂

反郝通志

二十二年討叛獠鄭公音等尋撫之吳志

都城鄉萬峒獠酋鄭公音等叛至是兩廣兵集叅將武鸞

受賂乃撫之德慶志

二十三年德慶州知州羅汝新誘羅旁賊擒之

受軍門策以犒賞爲名伏兵斬四十餘級生獲三賊鄧第

爛等俱同上

十月封川蠻亂吳志

自蒙公高稱亂討之久而不克諸獠益恣於是歸仁文德

二鄉獠獠蘇公樂張公葢等僭稱僞號盤踞山穴劫殺日

甚士民告急巡撫張岳遣副總兵程鑒督兵屯營守禦賊

勢少戢

二十四年巡撫張岳遣分守叅政張烜分巡僉事陸子明副  
兵程監叅將武鸞等督大兵八萬攻麒麟白馬等巢平之

俱同上

叢載二十四年七月廣西巡撫張岳奏獐賊竊發廣東則  
有封川縣蘇公樂等廣西則有馬平來賓二縣覃朝鮮等  
各肆擄掠敵殺官軍封川尤急請亟進兵殲滅之上曰獐  
賊肆逆如議勦絕毋得濫及無辜郝通志云九月封川縣  
歸仁文德二鄉大滑腦洪秋南吉大貨黑石麒麟白馬蓮  
花等寨山徑隘陘崖峒延袤深林疊嶂幽險莫測獐獐居  
之至是賊首蘇公樂張公蕊左公珠等聚眾爲亂攻劫鄉  
落岳等調兵分二道剿之俘斬二千五百餘人

阮通志

八月賊劫德慶州庫

吳志



十二月日旁黑氣如盤與日相盪七日乃滅

郝通志

二十五年流賊寇高要高明縣知縣石銘邀擊平之

吳志

十一月官軍討峒賊陳以明等平之

同上

廣東新寧新會新興恩平之間皆高山叢箐奸惡亡命輒竄入諸徭中吏不得捕遂聚至萬人推以明爲主號承天霸王流劫陽江諸處官軍討之數敗督撫侍郎談愷檄諸路土兵進剿破之斬其僞將飛虎將軍伍廷章等乘勝攻賊各巢以平事聞詔廕愷一子

明典彙

二十六年夏大水

郝通志

二十八年析四會西北境置廣寧縣

四會志

二十九年浪賊犯高明

吳志

三十年封朱載堉爲德慶王

見明史諸王世表

三十一年盜劫新會登名古博等都

今鶴山地同上

三十二年浪賊犯高明叅將馮文焯討不克次年擊走之

吳志

三月浪賊犯高明劫大幕都九月劫太平都十一月劫田

心都凡虜數百人

郝通志

春夏廣寧地震明春又震

廣寧志

三十三年陽春縣知縣謝復生捕斬浪賊長裾

陽春志

長裾及黎汝誠顧本通等劫掠思良等村知縣謝復生躬

自督捕奪回男婦五十餘人計擒長裾解軍門斬之

同上

徭賊掠德慶

德慶志

六月署德慶州事肇慶同知陳露擒浪賊張快馬黃海龍等

誅之餘黨悉降

同上

三十四年恩平知縣陸湯臣捕斬賊首李子盛

吳志

十二月賊寇高明調土官岑奎戍之

加通志

三十五年提督都御史談愷討新興恩平賊平之

吳志

新興諸徭糾合浪賊掠高要高明新興恩平各邑巡撫郭文周奏聞詔愷討之以兵三萬漸次攻拔諸峒斬獲數千人餘黨之在青藍布平十三村者乞降許之乃編十三村爲德化都未幾又叛流毒四邑

三十六年浪賊掠高明

俱同上

八月黑眚見

新興志

羅山徭亂提督侍郎王鈞討平之

吳志

大小羅山接壤清遠四會懷集諸處出沒無忌侍郎談愷集兵七萬分嶺西嶺南二道並進會愷勒致仕南贛都御史王鈞加秩代愷遂領其衆俘斬八千六百餘人嶺南路

兵坐鄒繼芳不振賊多漏刃惟嶺西路兵收全功云

郝通志

三十七年八月提督御史王鈞遣官剿賊至雲浮山賊首盤

永賢等伏誅

同上

賊首盤永賢劉母正梁德業等招集浪徒盤踞鐵場石人背山棗坪流毒無已嘉靖癸未丙辰官兵失利久不征剿是年調廣西那地等州狼兵剿潮州倭寇同知呂天恩密訪鄉導得賊蹤跡因言狼兵自高要入僅一百餘里自德慶入不足二百里一夕可到軍門行嶺西道會同總督叅將鍾坤秀分所部爲三哨令監督右哨都指揮蔡貞出瀧水江沙田登陸進剿山棗坪五寨中哨都指揮胡有名由肇慶南岸登陸進剿鐵場六寨左哨都指揮張機由肇慶南岸登陸剿石人背仍招集鄉夫打手民丁獠丁獍丁并

密飭陽春龍水高明縣於賊出入處集鄉勇藏伏以防奔  
 逃分布周匝乃尅期於八月初二日抵巢撲剿賊壘山插  
 紮據險迎鬪官軍奮擊之擒斬七十名賊奔雲浮大山督  
 兵併勢攻擊斬賊首盤永賢等二十八名為伏兵所馘者  
 四百七十名俘獲賊屬奪回男婦無算

陽春志

三十九年四月盜劫封川縣庫

吳志

四十年東山西山獠獍叛

同上

二月賊劫開建庫不克知縣陳廷舉督兵擒之斬七級

開建志

四十一年七月賊掠恩平殺千餘人擄七百餘人

吳志

四十二年六月大水

高要志

四十三年六月兩廣提督侍郎吳桂芳始開府於肇慶設練

兵遊擊

吳志

開府梧州芳以惠潮寇發相去二千里徵調爲難乃徙於此

四十四年春兵叛

俱同上

時募浙兵三千以備調發攘奪居民遂鼓衆叛知府鄒光祚撫之

高要志

浪賊寇新興

新興志

賊首崔勝旗等流劫南關水東岸男女被擄

同上

海寇攻陽江城却之

陽江志

德慶羅旁等獠亂提督侍郎吳桂芳議立營鎮之

吳志

德慶羅旁上下江道爲兩省咽喉獠人沿江劫掠而下江爲甚行旅阻塞咸請大征吳桂芳建議以爲獠所恃者兩江茂林潛伏伺劫今爲督兵沿岸開山伐木且耕且守制

其出沒此不治之治也疏上朝廷韙其議從之自江口下至澤水一百二十里間各闢地深八十里立營十營兵各百或二百戍之稍靖數年未幾流賊蟠據其中大恣劫掠營兵不能支而大征之議起矣

阮通志

四十四年廣寧大水賑之

廣寧志

穆宗隆慶元年賊寇恩平陽江殺擄五百餘人

吳志

二年倭賊寇陽江浪賊寇新興猺賊襲蹈海蘭所城

三年冬賊掠恩平殺擄三百餘人

四年賊寇恩平

八月劫封川縣署

賊架梯入城搜劫知縣朱成武清介無所得怒殺其妻

俱同

上

府同知郭文通帥師追倭賊於廣海敗績阮通志

五年九月颶風害稼高要志

開建大水城內水高一丈 開建志

恩平德化都叛同知郭文通討之不克吳志

閩寇劫陽江

十一月倭屠恩平總屯寨

六月設恩陽守備

十一月流賊執封川巡檢陳嘉言

先是賀縣賊糾懷集賊四百餘行劫鄉落官兵捕之不克

至是劫開建金縷村關封川巡檢赴援賊佯遁嘉言回兵

遂被執奪其印懸三百緡勒贖

神宗萬厯元年兵備僉事李材討平新興恩平等賊置屯耕



守

四月海寇焚陽江西門民居

俱同上

八月海寇許恩殺其黨鄭大漢等率衆來歸安置北津令築

寨自守

陽江志

二年賊攻封川龍田寨殺掠男婦百餘

吳志

十二月倭寇陽江雙魚所總督殷正茂殲之

同上

雙魚所臨海孤城兵單援絕倭薄城下守者自經遂陷總

督殷正茂率總兵張元勳副使趙可懷自新會進叅正劉

志伊僉事石磐自肇慶進叅府梁守愚自陽江進設伏儒

叻以待遮道夾擊戰於藍水再戰於施村斬八百餘級擒

捕無遺

陽江志

四年總督凌雲翼大征羅旁徭賊平之

吳志

瀧水卽羅旁也東界新興南連陽春西抵鬱林北盡長江  
與德慶封川僅隔一水萬山聯絡猺獞盤踞其中劫掠旁  
近州縣又多集四方亡命名曰浪賊爲患最久總督凌雲  
翼疏請大征徵兵選帥調兩廣十萬之師分爲十部以總  
兵張元勳李錫分駐瀧水東西統督以副使趙可懷監諸  
軍十道並進破巢五百六十四擒斬一萬六千一百餘級  
降四百九十三人獲男婦二萬三千一百五十一羅旁平  
乃析德慶晉康鄉高要楊柳都騎思勞思辨四都新興芙  
蓉一二圖并瀧水所屬設東安縣南鄉富林二所德慶都  
城鄉并瀧水所屬設西寧縣及涵口封門二所陞瀧水縣  
爲羅定州以東西二縣隸焉

德慶志

立黃江厥

廣東新語

總督凌雲翼以羅旁旣平許民入山伐取材木運貨至厥  
驗稅軍餉賴之商病稅重歷十二年總督吳文華遞減舊  
稅著爲令商民大悅

五年行條鞭法

隨丁糧多寡編作一條令各民親自秤納投櫃封鎖毫釐

不干里書之手民極稱便

俱同上

六年十月彗星見南方經月始滅

吳志

九年清丈州縣田地

州通志

十年設嶺西水哨

吳志

海賊自新會乘夜潮劫高明高要村民擊柝夜守不得休  
息總督吳文華始用把總陳鳳募水兵二百四十哨船八  
上自羚羊峽下至石洲長圳爲嶺西水哨沿江居民始得

無警然吳文華十二年始任總督以明史郭應聘傳台郝

氏志考之可見茲作十年沿舊文耳

高要志

十一年大赦免田租三分之一

十二年正月朔雪六月朔地震七月朔又震

俱同上

十二月總督都御史吳文華嶺西兵備副使王泮兵備僉事

來經濟討平開建懷賀縣峒賊

吳志

十四年七月大水地震

高要志

隄決九十餘處壞民居二萬一千七百五十九區壞田禾  
八千六百五十二頃溺死三十一人都御史吳文華奏減

來年田租

二十一年七月旱十二月地震

二十二年四月旱

二十四年春夏旱大饑俱同上

貶御史涂喬爲新興典史新興志

二十五年秋大水山崩高要志

二十六年冬大有年同上

二十八年逮新會丁憂回籍通判吳應鴻舉人勞養魁梁斗

輝鍾聲朝下詔獄應鴻斃獄中吳志

稅課使李鳳陰籍富人懦弱者中以匿稅法新會令鈕應

魁媚事鳳繫良民四十餘家在籍通判吳應鴻以羣情洶

洶恐生他變偕舉人梁斗輝勞養魁鍾聲朝謁鈕言狀鈕

怫然入逼勒愈急民數千充牣縣庭哀鳴痛哭鈕索械召

兵一時奔逸爭鬪蹂踐死者五十一人鈕懼求解於應鴻

應鴻辭不能遂誣譖於鳳以撻稅馳疏緹騎立逮應鴻等

下詔獄工部給事中王德完特具疏救不報

二十九年太監李鳳采硯於高要峽山

俱同上

三十一年旱

高要志

三十二年大旱夏地震五月大水颶風七月又大水地震十一月初六夜地大震

三十三年春夏旱五月地震六月地屢震

三十四年春旱

詔封閉硯坑詔給孤貧民米布

時皇長孫生恩給孤貧每人米三斗布一匹

三十七年六月颶風

三十八年大水

三十九年笏竹花

四十年八月大水

四十一年五月大水

四十二年五月大水決護城東堤漂沒田廬以萬計府城四

門築塞

俱同上

四十三年詔復勞養魁梁斗輝鍾聲朝舉人

吳志

吳應鴻痲斃後其子舉人思友伏闕陳情太常郭尙賓侍

御吳其貴等相繼疏請神宗悔悟詔贈應鴻尙寶寺卿舉

人梁斗輝等皆准會試就選

鶴山志

四十四年六月大水

高要志

四十五年春旱夏大水

四十六年詔加賦

九月彗星見於東方

十月初十彗星見逾月始滅

自是兵凶連年不息徵餉殆遍天下

四十八年四月至八月俱大水

光宗太昌元年冬大有年

俱同上

熹宗天啟元年二月雨雪

常滾嫡五子  
明史諸王世表

二年朱由楨封肇慶王

高要志

四年初定派田糧助餉

春大旱五月大水

五年春夏多雨七月大水冬雷

六年春大旱閏六月颶風

懷宗崇正元年春大旱

俱同上

流賊寇恩平

肇慶府志卷二十一 事紀

美



詔府縣修賦役全書高要志

二年大旱

詔免明年田租十之二

時皇太子誕生

三年六月大水

四年春大饑置廣義倉

兵巡左布政使王道元議設備賑也

夏加派田糧助餉俱同上

八月賊據陽志吳志

土賊張威等劫掠東安鄉殺東山守備錢韜尋劫陽春松柏村踞爲寨新興把總葉士源帶兵防禦被殺併殺官兵鄉勇數十人陽電叅將朱可楨往剿被殺兵勇無數廣州

參將李相往討乃遁

同上

六年七月二十一日啟明星隱伏數日不見

高要志

九月旱

同上

七年山賊寇高明

吳志

八年六月大有年

高要志

八月賊劫恩平

吳志

十一年德慶悅城鄉亂

十二年四月二十三日東西兩營兵叛二十八日叛軍降坑

之

十四年流賊寇陽江

德慶州民激變罷市

俱同上

知州王際隆縱役縱橫士民積怨故也御史柳寅東題參

德慶志

十五年七月霖雨地震八月大水

高要志

妖賊入恩平大掠

吳志

初妖賊譚子珍等結黨爲伽藍會脅制官長擅殺士民至

是藉米貴揚旗入城肆掠

恩平志

新興土賊劫掠署縣通判何鳴鸞被傷典史婁文燾死之

新興志

十六年十一月晡有流星光芒丈餘自西南入東北有聲

高要志

賊陷開建知縣余德韶罵賊被刃

恩平知縣鍾彥綱請給撫賊吳亞大等武職

時有讀書折本爲賊做官之謠

十七年三月地震

八排搖掠開建把總鄧明東死之

五月恩平知縣陳兆棠請給撫賊王興守備劄付

七月士民會立五團禦賊

王興漳州人流寓恩平那乾崗剽掠地方糾黨數千人出就撫時羣盜蜂起殺掠日甚士民馮景煥等會合百二十村分五團立練長訓練鄉兵以禦賊賊不得長驅北侵凹頭一帶得以偏安者皆五團爲之屏障也

俱同上

國朝

世祖順治元年新會縣知縣李光熙剿那伏獲賊首關逢三

誅之

吳志

坐營遊擊郝時登斬賊首張酒尾殲其黨

同上

新會賊首張九尾聚於倉步糾黨千餘連年流劫遊擊郝

士登率兵征剿搗其巢賊衆大潰士登連日窮追至富林所賊奔新興之天堂士登截其去路殺張九尾俘千餘人至新興城外盡殲之

新興志

按吳志郝士登作時登張九尾作酒尾

二年社賊起

吳志

賊皆人奴忿殺其主以叛始於順德縣冲鶴村延新會開平高要皆殺逐其主掘其墳墓踞其妻室連年屠毒至順治十五年始平

四月土寇流劫古勞

俱同上

三年冬十一月故明兵部尙書丁魁楚兵部侍郎瞿式耜等以桂王由榔

明神宗孫桂王常瀛次子

稱號於肇慶

通鑑輯覽

初桂王常瀛卒於梧州長子安仁王由棖襲封未幾病卒

由榔當嗣爵會唐王聿鍵敗死報至粵中故明總督尙書  
丁魁楚侍郎瞿式耜巡按御史王化澄與舊臣呂大器李  
永茂等議所立乃共推由榔桂太妃王氏曰諸君何患於  
無君吾兒仁柔願更擇可者魁楚等請益堅遂以十月十  
四日稱監國於肇慶以魁楚大器式耜爲大學士永茂請  
終制化澄以下進爵有差未幾聞大兵已破贛州司禮  
太監王坤倉卒奉由榔奔梧州式耜等力爭不得時大學  
士蘇觀生奉唐王聿鍵命募兵南安亦退入廣州遣職方  
主事陳邦彥奉表勸進甫入謁而觀生在廣州別議立唐  
王聿錡邦彥不知也夜二鼓由榔召人舟中魁楚侍語以  
廣州事邦彥請急還肇慶正大位以繫人心命南雄勅卒  
取韶制粵東十郡之七而委其三於唐王代我受敵從而

承其敝由榔大悅魁楚式耜等乃定議迎由榔復還肇慶十一月十八日遂稱尊號改元永曆以肇慶府署爲行宮

同上

盜掠新興鄉官蘇宇元死之

新興志有傳

桂王由榔遣兵攻唐王鏐不克

通鑑輯覽

故明大學士蘇觀生等以唐王聿鏐稱號於廣州桂王由榔遣給事中彭燿順德人主事陳嘉謨齎敕往諭聿鏐至廣州以諸王禮見備陳宗支倫序及監國先後語甚切至因歷詆觀生諸人觀生怒執燿殺之嘉謨不屈死卽日發兵攻肇慶由榔遣兵部右侍郎林佳鼎帥兵赴三水佳鼎故粵中監司與林察同姓相善察使羣盜詐降佳鼎信之乘勝追至三山口亂作全師皆覆佳鼎同僉事夏四敷赴水死時

肇慶大震瞿式耜視師峽口以王化澄代佳鼎督師

桂王由榔奔梧州

司禮太監王坤用事銓政軍務任意顛倒及聞廣州已破肇慶大震式耜請駐兵峽口不從以朱治憫爲兩廣總督守肇慶趣由榔出走以二十二日乘輕舟上西峽遂奔梧

州

俱同上

十二月撫賊王興攻破新興擄明巡按連城璧知縣陳兆棠大掠而去留賊薛子良關白毛等踞城

吳志

四年春正月

大清兵克肇慶桂王由榔奔桂林

通鑑輯覽

由榔旣西走瞿式耜兼道趨赴由榔已越梧州而西大

兵自廣州向肇慶總督朱治憫棄城去由榔走平樂大

兵入肇慶遣別將徇高雷二府進取梧州由榔欲依何騰



蛟於湖廣丁魁楚王化澄皆棄由榔去惟式耜及吳炳吳貞毓等從乃由平樂抵桂林以吳炳方以智爲大學士同式耜入閣辦事遣使勞何騰蛟趣其兵入衛徵四川文安之雲南王錫衮入閣以周堪賡郭都賢劉遠生等爲六卿丁時魁金堡等爲給事中馬吉祥掌錦衣衛同上

按吳志於順治四年書桂王奔梧州乃桂林之誤今悉本通鑑正之

白旗賊破德慶

吳志

二月恩平知縣請兵剿賊擒薛子良關白毛誅之進攻那乾敗績

那乾賊王興等劫錦地岡熱水二村殺人殆盡五團長率衆赴救馮崇義鍾會一等七人力戰死之賊益熾五團不

能支賊遂破蓮塘等村縣官避居蕉園

四月明職方主事陳邦彥據高明

俱同上

初邦彥見桂王於肇慶擢兵部給事奉由榔命齎敕至廣州諭蘇觀生而自以書曉利害觀生欲議和聞由榔兵敗不果邦彥聞使臣彭耀被殺遂變姓名入高明山中及

大兵已定廣州邦彥乃潛謀起兵有余龍者本萬元吉所募兵未行而贛州失龍等千餘人無所歸聚甘竹灘爲盜他潰卒多附至二萬餘人桂王總督朱治澗招降之未幾謀歸而唐王所置廣西巡撫張家玉亦與舉人韓如璜陷東莞城籍前尙書李覺斯等皆以犒士奉表由榔由榔進家玉兵部尙書爲大兵擊敗如璜戰死家玉走西鄉邦彥見粵西危急說龍乘間圍廣州而已發高明兵由海

道入珠江與龍會且移書家玉曰桂林累卵但得牽制無  
西潯平間可完葺是我致力於此而收功於彼也家玉以  
爲然邦彥遂與龍聯兵犯廣州圍其城龍卒故無紀律

大兵自桂林還救揚言取甘竹灘龍等顧其家輒退邦彥  
亦却歸旣乃遣門人馬應芳會龍軍陷順德無何 大兵

至龍戰敗應芳被執赴水死龍再戰黃連江亦敗歿 大

兵攻家玉於新安邦彥乃棄高明收餘衆徇下江門據之

通鑑  
輯覽

七月廣西僞叅將管大勝據開建

吳志

八月廣西賊陷廣寧署知縣楊嘉謨典史平福履死之

盜龔德慶知州劉士龍奔肇慶吏目郭曉死之

明禮部侍郎陳子壯入高明殺知縣徐中炫教諭魯颺九月

子壯遣麥而炫攻新興

俱同上

大兵入廣東張家玉陳邦彥與新會王興潮陽賴其肖等先後舉兵子壯亦以是月聚兵九江村兵多蠻戶番鬼善戰乃與邦彥約共攻廣州結故指揮使楊可觀爲內應事洩可觀等死將引退邦彥軍亦至謀伏兵禺珠洲側伺大兵還救會城而縱火以焚舟子壯如其計果焚舟數十

大兵引而西邦彥尾之會日暮子壯不能辨旗幟疑皆

大兵也陣動大兵順風追擊遂大潰子壯還九江村

邦彥奔三水會故御史麥而炫陷高明迎子壯以故主事

朱實蓮攝縣事殺知縣徐中炫教諭魯颺大兵克高明

實蓮戰死子壯而炫俱執至廣州不屈磔死

通鑑輯覽

按此無攻新興之文而吳志新興志俱載今從之

十一月偽總兵楊昭據開建

吳志

五年二月官軍克復開建城斬賊帥楊昭三月復陷

同上

四月提督李成棟叛以廣東附於桂王由榔

通鑑輯覽

成棟本高傑部將以徐州總兵來降從

王師平粵用爲

提督成棟不樂受總督佟養甲節制常懷異謀及是金聲

桓誘之同反計益決是月十一日黎明成棟令其兵集教

場聲言索餉欲爲變成棟請養甲出城撫輯劫之以叛遂

傳檄各屬遣使附於由榔

同上

王興襲陽江城拒却之

吳志

五月新會賊圍陽江海塘總鎮閻可義殲之

七月山賊攻四會縣城

俱同上

八月桂王由榔至肇慶

通鑑輯覽

先是李成棟請由榔入廣州由榔將赴之瞿式耜請還桂林疏言駕若東幸軍中將帥謂朝廷樂新復之士成棟亦有邀駕之嫌號令既遠人心復散臣不能制也由榔不報遂至潯州式耜慮成棟挾由榔自專上疏力爭乃駐肇慶成棟進謁由榔拜成棟大將軍封南陽伯成棟言式耜擁戴元臣不宜久在外由榔召式耜式耜願留桂林終不入然聞政有關得失必具疏力諫由榔雖褒納不能盡從也時諸臣各樹黨從成棟至者自誇降附功氣陵朝士從由榔至者自恃舊臣久之復分吳楚兩黨主吳者皆內納馬吉祥外結陳邦傳主楚者皆外結瞿式耜內結李元允元允成棟子方握政柄袁彭年等倚爲心腹攬權殖貨勢甚張時人目爲五虎彭年嘗論事由榔前語不遜由榔責以

君臣之義彭年勃然曰倘向者惠國以五千鐵騎鼓行而西君臣之義安在由榔變色大惡之

十一月桂王由榔遣兵復陷湖南州縣

湖南地大半爲由榔所據馬騰蛟議進兵長沙瞿式耜以機會可乘請由榔還桂林圖出楚之計不納

六年春桂王由榔罷其大學士朱天麟等官

陳邦傳訐金堡官臨清嘗降流賊受其職且請堡爲己監軍朱天麟因擬論譏堡堡大憤丁時魁乃鼓言官十六人詣閣詆天麟至登由榔所居殿大譁棄官擲印而出由榔方坐與侍臣論事大驚兩手交戰茶傾於衣急取還天麟所擬而罷天麟遂辭位由榔慰留再三不可陞辭叩頭泣由榔亦泣曰卿去余益孤矣初時魁等謂所擬出嚴起恒

意欲入署毆之是日起恒不入而天麟獨自承遂移怒天麟逐之去并逐其弟爲行人兩子爲御史中書舍人者天麟移居廢遠王化澄貪鄙無物望亦爲時魁等所攻碎冠服辭去由榔乃召何吾騶黃士俊入直俱同上

賊刦新興裏洞鄉民岑大維犛民盤龍率衆力戰殲之新興志

賊首蘇廟旦聚衆黃茅岡攻刦新春恩開等縣積十餘年至是統賊八百餘刦裏洞檄諸村投册許免殺岑大維盤龍等率鄉夫救援殺廟旦二人餘黨皆潰大維等乘勝悉殲之同上

四月流寇李赤心等率所部抵開建大肆殺擄吳志

由榔總制堵允錫與馬進忠有隙令李赤心高必正爭進忠所取常德進忠大怒盡驅居民出城焚廬舍走武岡他



將皆焚營潰赤心等所至見皆空城不守而去及馬騰蛟

死諸軍遂散赤心等走廣西緣道淫掠

通鑑輯覽

孫可望遣使求封於桂王由榔

可望旣得雲南故明在籍御史臨安任僕議尊可望爲國主以千支紀年鑄興朝通寶錢而李定國劉文秀故可望同輩一旦自尊兩人不爲下可望聞桂王由榔在肇慶念得朝命加王封庶可相制議遣使奉表乃遣楊畏知及永昌故兵部郎中龔彝赴肇慶進表請王封議封可望景國公賜名朝宗定國文秀皆列侯時堵允錫駐梧州允錫曾賜空勅得便宜行事允錫欲遙結可望爲強援矯命改封平遼王易勅書以往武康伯胡執恭者慶國公陳邦傳中軍也守泗城州與雲南接亦欲自結可望言於邦傳先矯

命封可望秦王曰藉其力可制李赤心也邦傳乃鑄金章曰秦王之寶填所給空勅命執恭齋行可望大喜郊迎亡何畏知等至可望駭不受曰我已封秦王矣畏知曰此偽也執恭亦曰彼亦偽也其時桂王所封實景國公勅印故在可望怒辭勅使下畏知及執恭獄俱同上

夏五月大水

高要志

秋七月桂王由榔遣兵犯南安敗走

通鑑輯覽

七月桂王由榔奔梧州

吳志

七年正月六日大兵下韶州由榔聞庾闕不守大懼急

登舟走梧州加馬吉祥兵部尙書與南陽伯李元允督守肇慶瞿式耜馳疏請留不聽陳邦傳謁由榔梧州以其將

茅守憲率兵入衛

通鑑輯覽

五月流賊圍四會城大肆焚掠

吳志

九月剿新興雲河賊平之

新興志

賊首董二陳旭標蘇容泰等劫雲河村據之至是剿平

同上

冬賊圍新興鳳翔里

吳志

偽守林季昌中軍陳韜掠鳳翔里生員蘇應夢率鄉人殺

之季昌黨攻圍五日不克散去

新興志

八年二月大兵克肇慶

通鑑輯覽

總兵許爾顯克肇慶桂王由榔南陽伯李元允安肅伯李

建捷自肇慶走南寧尋請出靈山收高雷兵復擾廣東郡

縣上同

賊戕恩平縣知縣鮑之奇三月副總兵李成祚擊走之

吳志

時賊踞恩平城之奇蒞任於凹頭村欲進城諭賊五圍父

老遮道阻之之奇曰賊亦人耳安知不可化毅然往爲王  
興部何國佐陳鶴子所殺

五月恩平降賊雙板六等踞坳底以叛

俱同上

廣東始行鄉試

高要志

十月執西賊梁用韜斬之

吳志

陽江知縣王世美守備馬如龍獲海賊容受詩等誅之  
十一月總兵許爾顯率兵剿王興撫其餘黨吳亞大等  
九年四月初十日西寇破四會城

七月西寇陳中魁掠開建

八月山賊龐國振等寇封川

十二月八排猺掠開建

十年高明土賊羅東日等降

俱同上

夏五月大饑

高要志

李定國率所部由開建犯郡城

吳志

孫可望憾李定國益甚以其將兵在外不敢輕樹敵仍厚養其妻子於雲南定國亦防可望襲之益思據地自固乃

與馬寶由懷集犯廣東攻圍肇慶

通鑑輯覽

按定國既連陷楚粵諸郡兵力益強不復遵可望約束可望忿甚會定國敗於衡州可望使人召之赴沅州欲以爲罪殺之定國知其意不行乃率馬進忠等犯永州定遠大將軍多羅貝勒吞齊等進擊未至定國已遁度龍虎關而去遂入廣西

八月封川文德鄉賊龐國振等作亂

吳志

十一月彗星見

高要志

十一年三月李定國陷陽春濠陽江城

吳志

李定國寇恩平王興執知縣王奇應之

由榔拜興虎賁將軍後由榔奔滇粵地悉平興獨提孤軍  
踞新寧文村十五年饑乏食兩藩以重兵臨之半載興令  
子姪奉其母出詣大軍約降是夜積火藥樓下一妻十  
五妾自焚死平南王義之養其母終身

俱同上

李定國陷高明

通鑑輯覽

李定國兵猝至高明進圍新城城中糧盡殺馬爲食平南  
王尙可喜靖南王耿繼茂率師往援次三水靖南將軍珠  
瑪喇等亦至合兵進擊敗之於珊州斬其副將一人旣抵  
新會定國據險以拒大兵奮擊奪其山殲獲甚衆定國

大敗遁去

同上

四月僞總兵賈文炳武乾入新興

新興志

時僞知縣劉珩貪酷

九月李定國統衆入新興十二月官兵擊走之

吳志

山賊掠封川

西寇入開平

十二月大兵復開平

十三年新會賊劉保踞官田黑坑諸山

保於前後諸賊最桀黠所部林時象李山官七等皆劇賊

自保起連年用兵

俱同上

均夫役

高要志

各鄉以百家定長夫一人

同上

守備蔡俊平封川寇

吳志

十四年秋大水

高要志

九月新興知縣查蜚英城守遊擊賴廷正團練叅將顧敬平

大坳賊

新興志

九月十七日賊首羅祥糾黨數百劫大坳曹田踞爲巢穴

文武官僚定計於東門文昌閣黎明率官兵鄉勇圍巢夾

攻賊懼出降

同上

十五年新會賊掠高明

吳志

八月開平舉人張芑請剿社賊平之

十六年新寧盜圍攻開平那伏大梧等村

海寇入高明

俱同上

寬孤丁里役

高要志

十七年春正月

詔蠲十二年至十五年逋賦

同上

七月新會盜流劫鶴山古勞都九月官兵進剿官田

吳志



十八年竹生花有實

高要志

聖祖康熙元年大有年

詔蠲順治十八年以前逋賦

俱同上

三月遷陽江沿海居民於內地

吳志

八月官兵進剿新會馬岡朱福等賊

同上

設城守副將

高要志

舊志肇慶城守設總兵官順治十二年改副將十三年復

設總兵官至是復改副將今仍之

二年設塘遞

俱同上

四月賊劫新興社墟城守賴廷正擊殺之

吳志

時隣賊猖獗守將蔡修協剿恩平知縣李雄飛請舊城守

入保城池適賊劫社墟遂率鄉兵追至高村盡殲其黨

新興志

五月續遷陽江沿海居民

吳志

七月叅將趙

名失

大破羣賊於官田

羣賊肆行藩院歲發兵至返留悉索民有賊梳兵篋之歎

趙叅將以七月二月搗官田連破梁經玉李山官七諸賊

奪回被擄男女千三百餘口計擒賊首鐵爬沙等復奪回

被擄數百人百姓引領冀其剿滅俄撤回

俱同上

冬十月彗星見逾月乃沒

高要志

三年三月羅定副將郭恩擒恩平賊吳阿大等戮之

吳志

高廉雷總兵粟養志討陽春東山賊平之

同上

四年春三月封川知縣王明掄自縊死

以交代不清 吳志

五年除各州縣日供雜派值月夫役

高要志

八月賊突至新興大壩城守曹徽拒戰死之

六年封川文德鄉獲賊五十餘人殺之

吳志

秋

詔蠲逋欠

高要志

冬十一月長星見於西方

光世竟天十日乃沒

八年春二月

詔蠲元年至三年逋賦

俱同上

展陽江沿海邊界遷民復業

陽江志

新興城守賴廷正會東安春江恩平守將剿塌底賊平之

新興志

志

塌底居萬山中向爲賊巢是役也擒賊首梁阿贊等路長

何起成功居多

同上

九年擒陽江海賊謝半枝

吳志

五月新會流賊周成彩等掠樓岡村九月成彩就撫誅之

樓岡

開平境

同上

秋八月大風雨拔木平地水深三尺

大有年

復設分巡廣肇南韶道駐府城

十年二月新會賊劫開平塲頭張橋村知縣薛璧城守黎標請剿滅之

冬十月

詔蠲四五年逋賦

俱同上

十一年廣肇南韶道趙廷標協鎮雷孚言剿新會賊追至新興殲之

吳志

賊潰至新興新興城守柯正圖知縣李超典史魏景蘭圍

剿殆盡

同上

秋大有年

高要志

恩平撫賊吳詐鷄養等謀叛知縣李呈桂城守鄭光龍擒之

吳志

十二年夏六月大水

高要志

霖雨四日夜衢道水深數尺官舍民房傾圮無算

大有年

同上

十三年恩平撫賊石維富等作亂守備王得勝奉檄剿之署

縣事王祚正恐擾民請撫之

吳志

平南王尙可喜遣左翼總兵班際盛水師總兵張偉剿官田賊屠祿洞河村馬涌等鄉而還

際盛以李山官七祖居祿洞梁經玉之妾在河村遂屠二村及馬涌張偉又乘機掠數小村

十四年土賊攻新會城總兵孫繼宗擊敗之

李山官七梁經玉攻新會城張偉不能支遂遁去舉人李

瑛等趨江門哭請總兵孫繼宗發兵馳救賊已合圍遽前擊之賊衆大敗

三月賊劫高明塘泔村

焚殺男女一千一百餘人盤踞不去知縣張國城請兵攻

剿救難民數百

俱同上

逆藩吳三桂僞將馬雄入寇總督金光祖降副都統莽吉圖

走江西

趙翼平定三藩紀畧

雄本廣西提督叛降吳三桂受僞伯爵三桂令東犯遂陷

高州寇肇慶

高要志

馬雄寇陽春總督金光祖屯兵儒垌禦之八月撤守儒垌兵

回肇慶新興知縣李超遁

吳志

先是屯兵儒垌聞賊兵至退回賊由間道來那黃徑失守

各軍驚退超隨遁去

十一月賊踞陽江

春江副將于奮起叛降吳三桂十二月奮起陷恩平

俱同上

十二月馬雄犯陽春遂入新興

新興志

先是賊由那黃徑犯陽春遲不敢進窺我官兵不守至十

二月初五日移向新興大肆焚掠駐四十日燒中黃村死

者七百人

同上

封川土賊亂

吳志

二月賊踞高明

時尚之信叛降吳逆有江謝二偽將及偽知縣李作舟入

高明城嚴刑重賦民不堪命

俱同上

馬雄復屯兵城東

高要志

雄由肇慶長驅至新會官山黑坑諸賊從之正月十六日  
至杜阮耀兵圭峯諸山時偽糧道耿文明催餉民不肯輸  
因指爲逆雄遽發兵殺掠數萬人時有天臺村民結壘禦  
賊相持十日力竭復被殺擄八百餘人雄乃撤兵往肇慶  
遂於城東隔江二十里金渡鄉駐兵據沙頭渡令人納錢  
一百方許渡海又多擄鄉民酷刑以迫勒財帛不得則殺  
而殺之魚池其後浚池枯骨狼籍同上

粵西賊陷封川據新興

新興志

八月賊帥孫楷宗踞新興

同上

平藩右營總兵孫楷宗在新會縣不戰而降馬雄安置新  
興駐劄請授將軍勒民起造將軍府稅米一石勒派銀一

錢

同上



十六年四月肇慶兵殺降將孫楷宗偽副總管雷孚言

吳志

五月我師屯封川進擊廣西

封川志作十月二月初八日

陽江蛋賊石貴引海寇李積鳳謝昌等踞海陵九月石貴毀

北津城

嶺西道韓作棟擒捕高明賊麥岐等誅之

岐等初投平藩攜民男女勒贖至是擒獲梟示民始安堵

十七年閏三月大征兵退屯封川

俱同上封川志作二月

夏大水 詔免被災錢糧三分之一

高要志

五月尙之信駐師封川八月大征兵進剿廣西

吳志封川志作十八年

十八年總督吳興祚設立古田古兜等屯誅賊首黃元沛降

其黨

生靈酒尾等以百峯山爲巢穴後劉保等踞官田黑坑

而黃元沛元述等亦踞古兜與保黨李山官七梁經玉等相犄犄前後三十餘年賊首不啻百人所劫新寧南海順德新興高明開平恩平高要陽春陽江十餘縣殺掠男婦以萬計至是生員林宜等赴兩院陳請設兵屯要害賊寤乞降督撫又遣兵捕誅黃元沛兩郡始安

俱同上

夏頒

聖諭十六條至

高要志

五月海寇犯陽春知縣

某

拒却之

吳志

按職官表十四年尙崇乾任至二十一年祝利見任以年次考之當是尙令

十九年陽江海寇敗竄礪州

俱同上

冬十月彗星見東方

新興志

肇慶府志卷二十二 事紀

五

二十年秋九月賊據新興大壩村協鎮官兵擊走之吳志

二十一年大熟新興志

十二月總督吳興祚擒獲開平新寧賊首甄叅司徒暘長

等誅之同上

二十五年總督吳興祚開鑄錢局於郡城吳志

吳興祚疏請鼓鑄錢法通流商民便之

開平土寇踞皂幕山尋平之

七月副將鮑輔仁剿捕陽江羅黃山寇俱同上

二十六年夏詔免新加雜稅高要志

封川黃岡山賊掠文德鄉剿平之吳志

目丙子九月至丁丑十二月賊劫村落無算有避石岩中者賊以火攻殺之守備何士光被困縣令劉衛率衆赴救

副總兵吳某發兵斬數十級餘就撫

同上

二十八年新頒賦役全書

高廟要志

二十九年大有年

詔直省遇蠲錢糧業戶免七分佃戶免三分

三十一年大有年

三十二年夏大水 詔免被災錢糧三分之一

三十四年冬十二月 詔蠲逋欠

四十年夏大水 詔免被災錢糧三分之一

俱同上

四十一年二月檄封川縣知縣劉衛會剿連陽八排徭

吳志

四十三年夏大水 詔免被災錢糧三分之一并賑給之

志

八月賊劫新興天堂果園九月復劫沙曠

吳志

四十四年停里役

高要志

四十六年夏 詔免四十三年以前逋賦

四十九年秋大有年

五十年 詔免地丁錢糧并四十八年以前逋賦

五十二年 詔免地丁錢糧并各年逋欠

五十三年夏大水緩征逋賦

五十四年夏屯米酌改折價

巡撫楊琳以各屬屯米有離省險遠不便輓輸奏請改徵

折價三千四百餘石從之

俱同上

八月捕獲賊首朱天相等於封川

吳志

連年饑荒盜賊充斥兼以開建金山賊黨往來嘯聚焚掠  
慘毒殺武生鍾英及歐姓一家數口文德司巡檢率鄉兵

剿捕被挫七月巡撫楊琳檄知府宋志益副將謝某往剿

至是獲之皆杖斃

同上

五十五年春三月准衛所屯丁入學

高要志

丁銀配入地畝徵收

同上

七月十二日新興典史陳仕賢夜遁

吳志

十一月初一日陽春賊戕肇協守備於蓮塘

同上

五十七年二月擒賊首李成材李成貴尋梟之

吳志

五十九年五月二十九日賊劫新興洞口遊巡守備劉恩被

傷次日劫窩田等三村

六月流賊劫陽江織篋墟旋就撫

俱同上

六十一年肇高廉羅道朱絳擒賊首陳冬瓜

高要志

十一月流賊劫陽江北慣墟右營守備王得功追殲之

同上

世宗雍正元年總督孔毓珣擒新會官田賊張祖珠等誅之

吳志

四月電白遊擊陳政平夔洞賊首張亞長等

同上

六月 詔墾田

十一月 禁現在官立生祠書院

大有年

二年春正月

命建忠義孝弟祠節孝祠

男女各建二祠一爲忠義孝弟祠樹石碑一刊前後忠義孝弟之人姓名於其上已故者設位於祠中一爲節孝祠建坊一標前後節孝婦女姓名於其上已故者設位於祠中俱春秋致祭務令窮鄉苦寒皆得表彰

三年裁衛所

以屯田歸縣管理屯丁考試亦由縣送錄

夏四月西江水溢 詔免被災錢糧有差并賑給之

四年秋七月 申嚴保甲法

上念弭盜之法莫良於編保甲因議十戶立一牌首十牌立一甲長十長立一保正分合稽察村落畸零戶不及數卽就其少編之熟苗熟獐一體編排粵東近年盜賊屏迹保甲之法行也

立族正

前順德知縣王念臣奏請立族正因議州縣有巨堡大村聚族滿百人以上保甲不能編者宜選族中品行剛方之人立爲族正以察族之不肖徇隱者治罪



三月運至廣西積穀四萬石貯肇慶府倉

先是四年議積貯法總督孔毓珣上言廣西桂梧二府產穀甚多與廣東錯壤請先撥三十萬石運交廣東以四萬石貯肇慶府倉以二十六萬石貯廣州省倉臨期酌糶於民有濟 詔報可

冬十月以道員督修田畝圍基

肇廣二府沿江田畝遇西江水漲易於衝決總督孔毓珣疏請以廣州所屬圍基責之廣南部道肇慶所屬圍基責之肇高廉羅道農隙時修務堅固

六年夏四月 命較正鄉音

上以廣東及福建人土音難曉 特命兩省督撫飭所屬有司及教官編爲傳示以八年爲限

大有年

七年夏四月

命文職各衙門添設民壯

定易制錢例

每銀一兩易大制錢一千文

五月

命蛋戶聽其登岸居住

詔免四年以前舊糧

秋七月豁免匠餉併入地丁額徵

粵東匠餉始自前明順治八年豁免康熙十九年復徵計銀四千八十七兩有奇貧民糊口屢苦徵輸胥吏舞文復多苛察布政司王士俊申請豁免匠銀均入正賦每畝僅派銀一毫三絲於糧不致重累而窮民均沾實惠署巡撫傅泰核實疏奏 詔報可以次年爲始

八月 詔免明年地丁錢糧

冬十一月設約正

各州縣大鄉村設立講約於舉貢生員內選擇老成有學行者充約正復選樸愿謹守者三四人充值月每月朔宣講

聖諭廣訓約正歲予銀六兩值月歲予銀三兩六錢廣東舉人馮天壽等力辭廩餼遂給飯食凡一年之內能化導愚民給匾獎之三年之內著有成效遴其最優者送部引見年衰不能赴部舉人則給以六品冠帶貢生給以八品耆老給以九品

大有年

八年夏五月改設肇高廉羅道爲分巡肇羅道仍駐府城

十三年秋九月 詔免十二年以前逋賦

高宗乾隆元年官備歲修圍基

撥廣東鹽運司庫銀四萬兩借商生息備用

詔免徵學租

詔定屯糧額并除額外加徵

七年 詔議圍基仍改民修

高要志

九年勘定陽江海界

吳志

先是新寧縣大輿地方屢失事推諉不決檄新會新寧及陽江三縣及廣海寨春江協會勘以葛洲山中分爲界東

屬新寧西屬陽江

同上

十二年蠲免地丁錢糧

高要志

十三年陽春大鎬灣賊章秀貞拒捕殺春江協左營管隊盤

日貴知縣錢逢泰守備周錫捕誅之

吳志

十八年饑

竹有花實

俱同上

十一月獲匪犯楊德陳瑞翎杖殺之

吳志

德四會縣門役以犯法革退與高要縣匪徒陳瑞翎舟行誘賭旋假案緝逆匪名爲書投縣署及富室官民惶惑不敢發知府吳繩年廉得之佯以他事呈縣逮革役令書悔過狀驗德字迹與投書同末幅乃出瑞翎手捕至並引伏

密請兩院杖殺之

同上

二十二年夏饑

高要志

秋九月颶風大水傷稼

二十三年饑斗米錢二百文

竹實

三十年秋七月火藥局災

俱同上

三十三年秋新興土寇趙簡祥等謀逆知縣陶鳳世捕誅之

陶鳳世傳

夏五月大水

高要志

三十五年秋彗星見

光芒竟天數月乃沒

三十六年 詔免錢糧

四十一年地震

四十五年 詔免錢糧

四十七年夏五月大水

四十九年春三月雨雹

夏六月大水

諸圍基皆決護城堤決數十丈官民廬舍傾圮者數十萬

秋七月颶風

屋多被壞

五十年冬饑賑之

斗米二百二十錢 詔免逋賦

五十一年冬十二月雨雪

五十二年大饑設廠施粥

斗米三百五十錢

五十三年大饑

斗米三百五十錢

五十四年饑

五十五年 詔免地丁錢糧

分三次按年輸免自五十六年始至五十八年止

五十九年夏大水 賜卹緩徵

壞民廬舍四千一百九十九區布政使陳大文親至勘賑  
既而總督長麟巡撫朱珪聯銜入奏奉 旨賞借屬內災  
民口糧一月廬舍傾圮者給修費銀二兩新舊田賦緩至  
來年秋後帶徵

六十年夏大水 詔免地丁錢糧及前年緩徵銀米并口糧  
未完者

仁宗嘉慶二年冬十一月飛星如織食頃乃定

四年豁免六十年地丁正耗銀米

七年夏五月颶風

十四年饑



斗米三百二十錢俱同上

五年海寇張保劫開平長沙鎮擄婦女數十梁巨源妻余氏

女阿蘭死之

列女傳

梁聯錦妻張氏至賊中自裁采訪冊

十六年秋彗星見

八月張保就撫海寇平俱同上

十八年夏五月大水高要志

有光氣出南斗旁數月乃已

秋七月大雨雹

二十年春三月地震

二十一年春三月大雨雹如拳壞房屋

二十二年夏五月大水

秋七月地震

二十三年夏五月大水

俱同上

二十四年豁免十五年至二十二年逋賦

高要志

二十五年冬十月大水

今上道光二年大疫

三年夏五月至秋七月大水

江漲決大小基圍八處

十月地震

四年春二月雨雹饑

秋七月地震

八月颶風壞船廬

俱同上

六年秋彗星見

八年大有年

俱采訪冊

平定張格爾 恩詔軍流以下人犯概予減等要路橋梁損

壞者奏報修理

司署  
備案

禁用夷錢

道署  
備案

十一月初六日奉

上諭御史張曾奏聞廣東省行使夷錢內有光中通寶景盛通寶兩種最多間有景興通寶景興巨寶景興大寶嘉隆通寶謂之夷錢極雜行使十居六七並有數處專使夷錢內地奸民利其錢質澆薄依樣倣鑄且恐有另立名號託爲夷錢不可不防其漸謹封呈錢樣請旨飭禁等語廣東福建濱海地方俱與外夷接壤各該夷人通市貿易自應以銀易換制錢豈可令外夷錢文公然於內地換雜行使且有奸民利其錢質澆薄依樣倣鑄着該督撫嚴飭所屬

確切查明如有前項弊端立即嚴拏究辦將此各諭令知

之

上同

九年五月至六月大水

采訪冊

決其圍十餘處

禁洋烟入口官銀出口

道署檔案

六月二十七日奉

上諭御史章沅奏粵洋通市不得違例私易銀錢請旨飭議章程一摺向來粵洋與內地通市祇准以貨易貨例禁甚嚴近日夷商所通貨物務爲奇巧藉相炫惑漁利取值不啻數十百倍據該御史奏稱該夷人賦性狡黠托用機心賣物必索官銀制錢買物則用番銀是以番銀之行日廣官銀之耗日多至鴉片烟一物流毒尤甚該處僞標他物

名色夾帶入粵每歲易銀至數百萬兩之多非尋常偷漏可比若不極力嚴禁弊將何所終極嗣後該省通市務當恪遵定例祇准易貨毋許易銀其違禁貨物尤應隨時稽察不准私入

同上

七月初十日颶風壞船廬屋宇

采訪冊

陽春尤甚輒飛至數尺風定競輯房舍至一瓦易錢五文

冬大有年

俱同上

雜記

南越志云昔有温氏媪者端溪人也居澗中捕魚以資日給忽於水側遇一卵其大如斗乃歸置器中經十許日有一物如手掌長尺餘穿卵而出媪因任其去留稍長便能入水捕魚日得十餘頭再長得魚漸多常遊波中滌洄媪側媪後治魚誤斷其尾遂逡巡而去數年乃還媪見其輝光炳耀謂曰此龍子也今復來因得之蟠旋遊戲親馴如初秦始皇聞之曰此龍子也朕德之所致詔使者以赤珪禮聘媪媪戀土不以爲樂至始興江去端溪千餘里龍輒引船還不踰夕至本所如此者數使者懼而止卒不能召媪媪殞葬於江陵龍子常爲大波至墓側縈浪搏沙以成墳土人謂之掘尾龍南人爲船爲龍掘尾卽此也

太平寰宇記

陸賈南中行紀南中百花惟素馨特烈彼中女子以絲絲穿花心繞髻爲飾梁章隱咏素馨花詩云細花穿弱縷盤向綠雲鬟用陸語也花繞髻之飾至今猶然高要志

溫水出牂牁夜郎縣又東至鬱林廣鬱縣爲鬱水卽秦桂林郡也元鼎六年更名鬱林郡鬱水卽夜郎豚水也漢武帝時有竹王興於豚水有一女子浣於水濱有三節大竹流入女子足間推之不去聞有聲持破之得一男兒遂雄彞濮氏竹爲姓所捐破竹於野成林王祠竹林是也王嘗從人止大石上命作羹從者白無水王以劍擊石出水今竹王水是也後唐蒙開牂牁斬竹王首彞獠咸怨以竹王非血氣所生求爲立祠帝封五子爲侯及死配父廟今竹王三郎祠其神也豚水東北流經談藁縣東經牂牁郡且蘭縣謂之牂牁水水廣

數里縣臨江上故且蘭侯國也一名壺頭牂牁郡治也楚將  
莊蹻沂沅伐夜郎探牂牁繫船因名且蘭爲牂牁矣漢武帝  
元鼎六年開王莽更名同亭有柱浦關牂牁亦江中兩山名  
也左思吳都賦云吐浪牂牁者是也元鼎五年武帝伐南越  
發夜郎精兵下牂牁江同會番禺是也牂牁水又東經鬱林  
廣鬱縣爲鬱水留水注之水南出布山縣下經中留入潭潭  
水東經阿林縣又東經猛陵縣浪水注之又東經蒼梧廣信  
縣離水注之鬱水又東封水注之封水出臨賀郡馮乘縣西  
謝沐縣東界牛屯山謂之臨賀東南流萌渚嶠西又東南左  
合嶠水庾仲初云水出萌渚嶠南流入於臨臨水又經臨賀  
縣東又南至郡左會賀水賀水出東北興安縣西北有羅山  
東南流經興安縣西盛宏之荊州記云興安縣水邊有平石



上有石履言越王渡溪脫履於此賀水又西南流至臨賀郡東又注臨水郡對二水之交會故郡縣取名焉流水又西南流經郡南又西南經封陽縣東爲封溪水故地理志曰縣在封水又西南流入廣信縣南流注於鬱水謂之封溪水口者也鬱水又東經高要縣牢水注之漢書注臨允牢水北入高要入鬱今新興縣卽臨允牢水則新江是也

水經注

水自粵西而來謂之西水經封川德慶繞郡城而東南注於海每歲夏秋間淫雨連日則江漲暴至甚則漂屋衝人且爲羚羊峽所束郊原皆溢以土築諸城門築之不密則城市亦可行舟德慶封川尤患盡殺農稼饑饉流亡峽中挽舟爲難諺曰水浸釣魚臺上下不得來釣魚臺峽中山也

同上

葛洪神仙傳曰士燮常病死已三日仙人董奉以一九藥與

服以水含之捧其頭搖而消之食頃卽開目動手顏色漸復  
半日能起坐四日復能語遂復常奉字君異侯官人也

吳書  
士燮

注傳

唐貞觀間廣州化蒙縣丞胡亮從都督周仁軌討獠得一首  
領妾納之將至縣亮赴府不在妻賀氏乃燒釘烙妾雙目妾  
自縊死後賀氏有娠生一蛇兩目無睛以問禪師曰夫人曾  
燒烙一婦眼以夫人性毒故爲蛇報此是被烙婦也夫人好  
養此蛇可以免難不然禍及賀養蛇一二年漸大不見時藏  
衣被中亮不知也一日發被見蛇大驚以刀斫斬之賀兩目

俱枯悔死

朝野  
僉載

房千里博士初上第遊嶺徼僑寓南海有進士韋滂者以趙  
氏來爲房媵妾未幾房入都乃與趙別期中秋爲會趙極悵

戀房乃與詩曰鸞鳳分飛海樹秋忍聽鐘鼓越王樓只應霜  
月明君意緩撫瑤琴送我愁山遠莫教雙淚盡雁來空寄八  
行幽相如若返臨卽市畫舸朱軒萬里遊萬里謂蜀州橋也  
房至襄州逢許侍御有引農蕃陽之命乃以情意相托許到  
府邸遣人訪之則趙氏却從韋矣許寄房詩曰春風白馬紫  
絲韁正值蠶時未採桑五夜有心隨暮雨百年無節待秋霜  
重尋繡帶朱藤合却認羅裙碧草長爲報西遊成離恨阮郎  
纔去嫁劉郎後馬使君與千里俱貶端州李羣玉留別詩云  
俱來海上嘆烟波君佩銀魚我觸羅經國才微甘放蕩專城  
年少豈蹉跎應憐旅夢千重思共恰離心一曲歌唯有管絃  
知客意分明吹出感恩多千里終高州刺史唐詩紀事  
劉涇川以所得李士衡觀察家蟾蜍硯示劉原甫其下刻云

天寶八年冬端州刺史李元得靈卵石造原甫方與予飲辨  
云天寶稱載此稱年僞也遂作詩予與江鄰幾諸君和之硯  
如剗墓腹如月又若剗瓢萌強發鐫題天寶年造之刺史李  
元傳自越剗墓剖瓢我莫分稱載作年初辨君君雖能辨猶  
曰寶寶茲僞物吾何云仰天大笑飲君酒硯真硯僞休開口  
願封藤匣還與侯請共江翁獨持守

梅聖俞宛陵集

端溪岑班者俚人也八山遇一寶珠徑五寸持歸夜光明燭

漢班懼甚亟以火燒之雖小損猶照一室

南越志

魏光乘任左拾遺好題品朝士丞相姚元之長大行急乘目  
為趁虵鶴坐是與姚隙尋謫為新興尉

朝野僉載

唐元和初盧從史以左僕射節制澤潞因鎮陽拒命左遷驩  
州司馬尋賜死於康州寶曆元年蒙州刺史李湘去郡歸朝

有疑欲決聞端溪女巫者知未來事雜舟召焉巫至曰某能  
召鬼然鬼有二等有福德之鬼有貧賤之鬼福德者精神俊  
爽解與人言貧賤者氣劣神悴鮮能言事盡在所遇非某能  
知也湘曰安能得福德之鬼而問之曰廳前楸林下有一人  
衣紫佩者自稱澤潞盧僕射可拜而請之湘乃公服執簡向  
林而拜巫曰僕射已答拜湘遂揖上階空中曰從史死於此  
廳爲弓絃所偪今尙惡之使君床上弓幸除之湘遽命去焉  
時驛廳副階上只有一榻湘偶忘其貴將坐問之巫曰使君  
無禮僕射官高何不延坐乃將吏視之僕射大怒去也巫隨  
拜謝或肯復來湘匍匐下階問其所向一步一拜凡數十步  
空中曰大錯公之官未敵吾軍一裨將奈何對我而自坐湘  
再三謝罪方肯却回巫曰僕射已回矣於是拱立而行及階

巫曰僕射上矣別置榻而設衾褥以延之巫曰坐矣湘乃坐  
空中曰使君何所問對曰湘遠官歸朝憂疑日劇伏聞僕射  
神通造化乞畧賜一言示其榮悴空中曰大有人援引到城  
一月當刺梧州湘又問終不言乃去湘到輦下以奇貨求助  
未一月拜梧州刺史皆如其言竟終於梧州盧所以不復言

其後事也

舊志

唐丞相楊收貶端州尋流驩州賜死鄭愚尙書鎮南海忽一  
日賓司報云楊相公在客次欲見尙書愚驚愕收卽入謂愚  
曰收爲軍容使楊元价所譖不幸遇害今已得理於上帝賜  
陰兵復讎欲托尙書宴犒兼借錢十萬紙燒時幸勿著地從  
容長揖而滅愚如其言具酒饌素紙以祭之收猶子有壽陽  
者見收乘白馬挾朱弓彤矢有朱衣天吏控馬謂之曰上帝

許我復讎楊元价我射中必斃也俄而元价暴得疾死蜀人

毛文賜其先爲潮州牧曾事鄭愚熟詳其事

葉志

恩州龍嶺鄉之旁有潭潭有蛟每陰霾晝則變爲美女隱現

不常有獵戶鄧姓者射而斃之風雨大作湧一蛟去

縣志

恩州民張氏屠牛致富一牛臨命跪泣若有請張不肯釋殺

之忽內水珠迸出如水銀狀大小不等張驚視疑是牛黃及

烹肉刀不能切皆有圓珠如石其中臟皆然人始知爲舍利

也張卽罷業蓑從來所棄牛骨并舍利作一塔瘞之

舊志

子南遷度高鄉道逢老叟言深耕淺種時耘時耔却牛羊之

踐履去蝨蟊之殘害勤以朝夕滋之糞土而有秋之望富有

年矣若夫堯湯水旱霜雹之不時則有天也予感此言將書

諸紳治民理生無施不可高鄉卽高要也

柳子厚  
龍城錄

唐宣宗大中四年開建大莫村瑞蓮生一莖三花香色異常  
明年里人莫宣卿狀元及第世以蓮爲先兆明成化元年夏  
五月瑞蓮復生一莖雙花明年守備千戶聶聰陞肇慶指揮  
知縣黃瑜陞雷州知府人亦謂此驗

吳志

廣寧第八峒東西山對峙削壁萬仞唐羅隱躡崖直上硃書  
一律於壁今懸空仰睇硃蹟猶鮮但草書多類蟲文鮮有辨  
者士人競傳一聯云水激石鳴流出峽鳥飛山影晚歸巢

舊府志

按諸書無云昭諫來粵者志語不足信

南漢主劉龔初開國營構宮室得石識有古篆十六其文曰  
人人有一山山值牛兔絲吞骨蓋海承劉解者云人人有一  
大人也山山出也值牛者龔建漢國歲在丑也兔絲者晟龔



位歲在卯也吞骨者滅諸弟也越人以天水爲葢海指皇朝國姓也承劉者言受劉氏降也又龔嘗召司天監周傑筮之遇復之豐龔問曰享年幾何傑曰凡卦皆土爲應土之數五五二十五也上下各五將五百五十乎及劉鋹之敗果五十五年葢傑舉成數以避一時之害耳又廣州童謠羊頭二四日天雨至識者以羊是未之神是歲在辛未二月四日擒鋹天雨者王師如時雨之義也

青箱雜記

南漢楊洞潛爲相潯水令梁愚堂謝洞潛見之謂同列曰愚血脉貫眸子行步矍鑠類驚麕當有風雷之厄及愚至縣未幾颶風壞解歷死潯水縣地今屬高明

路振九國志

李托封川人少習騎射以謹愿事南漢主龔爲內府局令鋹立改玩華宮使內侍監兼列聖景陽二宮使托納二女於鋹

張以其長爲貴，她次爲美人，政事皆訪托，而後行。寵貴日極。宋太祖命師伐張，節度副使辛延渥問道，遣人勸張降。托堅沮其議，及就擒，至許田。太祖遣使問張，旣納降，復拒戰。旣敗，又縱火焚府庫，誰爲之謀也。托引伏，俘至京，斬之。舊志

陳道庠，端州人，爲南漢王玠指揮，使博羅縣。吏張思賢自稱中天八國王，攻陷循州。玠遣越王宏昌、循王杲攻之，遇賢圍。宏昌等道庠與萬景忻力戰，挾二王潰圍而走。及晉王宏熙欲殺玠，而玠好角，觝宏熙，乃令道庠求力士劉思潮，譚令禮。林少疆、林少良、何昌延等習爲角觝，以獻玠。宴長春宮，閱之。玠醉起，道庠與思潮等隨至寢門，拉殺之，盡殺其左右。於是宏昌率諸弟迎宏熙卽位，更名晟，改元而封劉思潮等功臣。國中洶洶，宏杲請斬劉思潮等，以謝中外。不從。三年，乃皆殺。

之思潮等死道庠懼不自安其友鄧伸以苟悅漢紀遺之道  
庠莫能曉伸罵曰戇獠韓信誅而彭越醢皆在此書矣道庠  
悟益懼晨聞之大怒以道庠伸下獄並斬於市

吳志

宋真宗時有王健者江州長江人少時薄遊江界至星子縣  
夜宿逆旅遇道士授黃白術未盡其要後再遇其人於茅山  
相携至歷陽指示靈草并傳以和合密訣試皆有驗仍別付  
靈方緘騰之戒曰非遇人君慎勿輕述健後以佯狂抵禁配  
流嶺南時供奉官閣下祇候謝德權適總巡兵頗聞其異健  
後竄歸闕下德權乃館於私第煉成藥銀上進真宗異之命  
解軍籍使劉承珪詰其事健以師戒嚴終不敢泄唯願見至  
尊面陳於是承珪乃爲健改名中正得召見卽授許州散掾  
留止京師尋授神武將軍致事乃給全俸遷高州刺史康州

團練使前後貢藥金銀累巨萬輝彩絕異不類世寶當時賜  
天慶觀金寶牌卽其金所鑄也然中正亦不敢妄費唯周貧  
乏崇奉仙釋今汀州開元寺乃其施財所建也卒贈嶺南節  
度使此近古所未聞也其遷刺高州蓋遙領之上同

潘盎宋皇祐時人有異術嘗儒衣大袂能豫言人禍福知自  
盡時廣源蠻儂智高聞其異挾問之曰吾何如盎曰一劫賊  
耳又曰城幾日可陷盎曰百年不陷又曰吾欲王粵何如盎  
曰行將斬首豈能王哉

德慶志

歐陽大椿爲新州職官一日與守遇寺中見大字題曰蔡確  
善終之室守異之問其所以字滅不見後蔡確果謫新州終  
於屋下方蔡之去也主僧掃治其室夜夢人告之曰善治之  
更當有宰相至矣數年劉莘老至亦終於此室劉拜右僕射

之日家人具飯一小僕忽仆於堂下大呼曰相公指揮頭踏

往新州去矣僕寤家人詰之不知其言之出也

宋王鞏甲申雜記

孫升爲選人時夢與一僧立通衢忽傳呼宰相來既至孫曰

此府界提點蔡持正也僧曰此國朝第四人過嶺宰相也元

祐中果謫新州本朝盧寇丁三人蔡實第四人也

同上

歐陽公集古跋尾端州石室記唐李邕撰不著書人姓氏考

其筆蹟似張廷珪書疑廷珪所書也

葉志

蔡持正以車蓋亭絕句爲譏刺貶新州東坡文章絕妙古今

而其病在於好譏刺晚年自朱崖量移合浦郭功甫寄詩云

君恩浩蕩似陽春海外移來住海濱莫向沙邊弄明月夜深

無數採珠人其意深矣

鶴林玉露

蔡確哲宗初拜左僕射時宣仁垂簾確以弟碩賊敗謫守安

州夏日登車蓋亭題十絕句知漢陽軍吳處厚箋註以聞其  
畧云五篇涉譏諷何處機心驚白馬誰人怒劍逐青蠅以譏  
讒譖之又葉底出窠黃口鬧波間逐隊小魚忙譏新進用事  
別無謗訕君上睡起茫然成獨笑方今朝廷清明不知確獨  
笑何事矯矯名臣郝甌山忠言直節上元間按郝處俊安陸  
人號甌山唐高宗欲遜位天后處俊上疏諫曰天子治陽道  
后治陰德魏文帝著令帝崩不許皇后臨朝此事正在上元  
三年卽上元間也皇太后垂簾遵用章獻明肅故事確指母  
后以比太母又云嘆息思公俯碧灣按詩綠衣我思古人實  
獲我心者衛莊妻妾上僭而作也確以處俊爲古人嘆息而  
思之其意可見沉沉滄海會揚塵謂人壽幾何尤非佳語宣  
仁盛怒令確分訴終不自明時文潞公平章軍國事范堯夫

位宰相范公曰持正事當如何潞公曰踰嶠范曰此路荆棘不宜踏開翼曰簾前范力爭不勝確坐貶新州確本小人數其罪惡雖兩觀之誅亦不爲過乃摘抉其詩句而罪之使人謂吟詩賈禍確之罪狀反不彰矣同上

劉丞相摯謫死新州至元符末用登極恩追復故官其子歧以啟謝執政畧曰晚歲離騷難招魂於鬼域平生精爽或見夢於令狐用李衛公見夢令狐綯乞歸葬事舊志

王回仙遊人進士鄒浩編管新州人莫敢顧回歛交遊錢與治裝且慰其母遷者以聞逮詣詔獄回居之晏如御史鞠之對曰實常預議不敢欺也因誦浩所上章幾二千言獄上除名卽徒步出國門數十里其子追及問以家事不答吳志

宋鄭安恭爲肇慶守有直更卒每夜半見城上亭中火光往

視之乃十餘人及小兒數輩聚博卒有胆不懼戲伸手乞錢  
諸人爭與之幾得三千以還明日驗之真銅錢也不以語人  
次夕復如是遂賂掌宿節級求專直三更所獲益富踰兩月  
會軍資庫失錢千餘緡並銀數百兩揭榜跟捕或告云此卒  
近多妄費又衣服鮮侈可疑也試禽之詰其爲盜之端不能  
隱其實告鄭意必土偶爲姦乃繫卒使人部往遍索諸廟至  
城隍廟中有土偶狀貌類所見者碎之腹中得銀一笏盡剖  
皆然因發地凡偶人各得數十合此卒用過之數更無少  
差卽盡毀偶像其怪遂絕

舊志

莆田人陳可大知肇慶府肋下忽腫起如生癰癩狀頃刻間  
大如盃識者云此挑生毒也俟五更以菘豆嚼試若香甜則  
是已果然便搗川升麻爲細末取冷熱水調二大盞速服之



遂洞下瀉出生葱數莖根鬚皆具瘡卽消續煎平胃散且食

白粥經旬復常

齊東野語

端州有陳高祖之後收陳世諸帝真白描畫唐御史姓韋者

作記高祖幅巾不冠後主作醉舞狀

米芾畫史

寶文閣學士賈讜之弟賈某以勇爵入官宣和間爲諸路廉訪使者後避地入嶺南寓居德慶府濟南商侍郎之孫知縣者亦寓焉商無妻一女笄二男最幼惟侍妾主家商死其女適廉訪之子成之率旬日女輒歸家撫視二弟且檢閱橐鑰以爲常他日歸啟篋笥凡黃白器皿皆不見但公牒一紙存驚扣妾妾曰比者府牒以排人申節盡數關借當時遣僕持白姐姐及賈郎回云府命不可不與遂悉以付之望其持還而未可得女拊膺大哭走問其夫亦愕然曰無此事乃詣府

投牒立賞捕盜竟失之計直踰萬緡商氏由此貧匱而廉訪者數使僕以竹節銀鬻於肆肆主問銀從何鑄僕曰廉訪手自壞銷者於是人疑商氏亡金必其所爲也後二十年成之通判橫州商徙居臨賀長已亡幼子曰懋每往謁成之必得錢十餘萬未幾成之終於橫懋挈姊挾二甥偕至賀卜葬遂相依以居甥非商出懋經紀其家掩有財物過半後病劇懋不知人者數月忽甦而言曰憶初入冥只覺此身飄浮直出帳頂又升屋恣行曠野更無侶伴俄爲人錄至官府見一囚荷枷披帽緝於獄門兩人執大扇對立其側因忽舉目呼曰商六十五哥識我否懋未應又曰我賈廉訪也諸事殊未辨爾來且可了其一一我昔年取爾家財所償畧盡猶有未竟者幸爲我供狀銷此案懋視執扇者一揮則囚血肉糜潰滿地

不見人唯存空枷須臾復如初懋觀其楚毒不忍視頓憶曩  
事爲供狀而出囚大哭曰今便相別我卒未脫語未竟扇者  
亟驅入懋至門外一吏持符引卒徒若迎新官者白雲泰山  
府君以君剛正好義抵陰府不應空回可暫充賀江巡察使  
者吏導行江上空中所至廟神叅謁主者呈文簿一一詰責  
據按部判別一主者進曰某神奉法不謹誤溺死人懋卽判  
領至原地誅戮迤邐到封川大江口吏曰事已畢福神來迎  
公可歸矣懋恍惚從屋飛下汗浹背而寤其妻方掛真武畫  
象於床頭焚香禱請益福神之應云勸善書

黃公度紹興十九年遭謗出判肇慶軍府事時方滋務德卽  
廣東生朝當冬仲作雪梅調二首賀之方以啟謝云俾爾黃  
髮欲三壽之作朋爲我綠琴願雙金之何報嘗邀公至五羊

特爲開讌時洪丞相适景伯方從事帥幕下滋令作樂語有  
云雲外神仙何拘弱水海隅老穉始識魁星後适過訪出二  
侍兒曰倩倩曰盼盼歌以侑觴适爲眼兒媚詞云瀛仙好客  
過當時錦幌出蛾眉體輕飛燕歌欺煖素壓盡芳菲花前一  
盼嫣然媚灑灑舉金卮斷腸狂客只愁徑醉銀漏催歸及罷  
官歸莆賦菩薩蠻云眉尖早識愁滋味嬌羞未解論心事試  
問憶人否無言但點頭嗔人歸不早故把金杯惱醉看舞時  
腰還如舊日嬌蓋指盼盼也初傅叅議零寓居五羊嘗示梅  
詞亦寄眼兒媚調公和之云一枝雪裏冷香浮空自訝清流  
如今憔悴蠻烟瘴雨誰肯尋搜昔年曾共孤芳醉爭插玉釵  
頭天涯幸有惜花人有杯酒相酬此詞蓋以自况也嘗題嵩  
臺宋隆備二絕句未幾被召爲尚書郎詳見知稼集

吳志

宋乾道間梁竑入都艤舟錦石山下夜夢一客自稱陸大夫云我抑鬱於此千餘歲矣君幸見過願留一詩竑詰旦題詩廟壁而去德慶志

宋淳熙間四會知縣蘇邦營縣基掘得一石碑云龍嶺行歌龍已化鳳頭將見鳳齊鳴四會志

按輿地紀勝載碑句爲鹿鳴燕士詩

江南有李氏無子一夕夢春州射木神托生爲嗣因名符後其子登第得守春州臨行其母曰兒往必不歸矣及到任謁祠下瞻視其門廡若常所見未幾卒於官自李氏之生廟食久廢及卒而廟復靈遇水旱蝗厲禱祈無不應驗舊志秦檜微時借人債不足曹泳贈以雙緜檜深德之引薦官至戶部侍郎知臨安府及檜病篤高宗幸其第視疾檜已不能

言懷中出一劄乞以其子燻代輔政上視之無語既出呼幹  
辦府何人爲此則答以泳檜死翼日詔停泳官安置新州同  
六祖禪師真身蓋數百年矣爲亂兵封其心肝乃知有患難

雖佛不免况人乎

文天祥  
指南錄

羅陳村陳將軍廟熙寧十年封東山昭惠公廟在孤峯絕頂  
相傳郡遣達奚主簿詣廟祭享騎驢上峯驢斃達奚欲遷廟  
於山麓是夜風雨暴至廟亦隨下昔人有詩云千年劍戟神  
如在一夜風雷廟自移

新興志

黃謙

舊志作  
王謙

爲府曹吏洪武初丈量田土以三升二合一勺

起科老人譚伯奇馮紹卿

舊志作  
區省李

科斂通邑銀一百二十兩

往府幹理聞科則已同各邑匿銀不與謙囑總書將新興田  
稅獨作七升五合六勺陞科至今民猶恨之

英宗正統十二年廣賊黃蕭養作亂叅將武魏生擒於海上  
 繫之獄蕭養晚臥竹床妄自咒曰蕭養果若為王此竹應發  
 新枝且而枯竹忽生枝葉養因潛越獄出聚黨海島眾至十  
 萬已已攻圍廣州都指揮王清舟師赴援被執死之時承平  
 日久束手無策蕭養既攻戰屢勝遂僭稱東陽王偽號景順  
 四出剽掠分駐新邑以城西鷄公腦山為營寨形跡宛然每  
 值霍雨光怪時見俱同上

高要廸村吳吉者明宏治間人母死葬蓮花洞虎山之東廬  
 墓三年晝夜號泣其山多虎吉與虎俱虎為之役未嘗少離  
 左右一日西江暴漲吉溺於湍流虎負其尸以出其家葬尸  
 於廬墓之側虎結窩其地日夕不去吉既死尋顯靈於其鄉  
 鄉人廟祀之天順間肇慶府治多虎患移吉廟於城外虎患

遂息疏上封爲鎮端將軍至萬厯間禁殿失火吉顯靈衣錦  
繡騎虎撲滅敕封爲錦繡大王至今靈應如昨世傳爲伏虎

吳公

頂湖山志

按天順先宏治兩朝安得未死爲神耶語甚無據

臨海趙樂善洪武間卒業太學爲中貴題蠶圖云蠶未成絲  
葉已無雲鬢撩亂粉痕枯宮中羅綺輕如布爭得王孫見此  
圖一日上幸中貴宅見之問知其人卽召見授以肇慶知府  
郡出端硯他日趙携二石以歸或有譽其在郡廉介者趙慨  
然曰昔清獻自携一硯今吾實取二硯心愧多矣呼爲趙雙  
硯云

續太平廣記

毛忠襄公吉天順中爲廣東僉事有武幹以捕寇功擢憲副  
領兵四向皆捷及恩平盜起吉率衆擊之營未定賊卒至左



右皆奔潰吉遂遇害時所親信携軍餉千金念吉死事詭言  
爲賊所刦而私以餽吉衙內及吉柩歸司僚屬舉奠魂忽附  
一婢出據中堂呼曰吉死事命也生平義不以苞苴自污軍  
官某乃欲以軍餉餽我豈以生死易操哉頤指命取所餽金  
置於前曰好點檢貯之庫語訖而仆問婢茫然不知事聞贈  
按察使謚忠襄立廟致祀見邱文莊集月山叢談

正德五年賊破恩平時知縣莫汝能也民間詩云戶侯虛佩  
樓蘭劍典佐徒誇國土名多少邑人驚見處滿街過雨血痕

恩平  
縣志

正德十一年丙子六月大水八月十五日潦漲尤甚並頭蓮  
產於舊學君子池三並蒂蘭產於尊經閣下一蒂三花陽春志  
番禺張元隆從事藩司司有獨鶴見之不鳴則舞他人則否

元隆以爲吉兆求詩子序之爲歌曰鶴之鳴鴻厥聲鶴之舞儀厥羽嗟乎子當出羣誰其云崔山君用韓文也後黜爲新

興椽縣有獨鶴驛

乃悟黃瑜雙槐歲鈔

慈溪袁載嘉靖間知木府於影壁內築臺累石山植榕栢護以欄干立碑於前大書衆樂仁壽山士大夫爲詩歌以美之時高要尹長樂陳豫章善滑稽曰可作一對曰獨苦高要縣

言衝劇也

高要志

劉仕陝西咸寧人嘉靖間以郎中謫戍寓居高要有張老人者其妾有子且數齡矣劉將歸買妾并子而去子頴敏劉亦以子畜之弱冠領鄉薦於陝遂從劉姓

高要志

郡城北面辰山然素無虎患嘉靖十九年城中忽有虎不知從何路入質明始見於城西北隅近府廨后有司遣兵捕之

卽於披雲樓踰城而出墮於池始獲之俱同上

嘉靖二十六年屠人市牛將宰之牛忽逸去突入府署隸卒羣禦之不止直觸推官公座若訴之者復入署後曠地官遣

人訊牛主人視之始安郡守麻城李寵作牛異說

吳志

嘉靖三十三年德慶州有黑眚或云猴怪夜入人家有聲如風成陣其始小若螢火擊之或散爲數十擊甚或變爲禽獸魚蟲灰燼之類治眚之法以白旗書天師陰兵在此及用青竹枝或桃枝巡遶四隅環擊之達旦乃已至旬日始息德慶志

關帝廟恩州城東西街各一而靈應各異萬厯中守備田麟

爲治遺像塑始具一卒忽夢關帝取其髮卒奉命唯謹帝曰

三錢足矣卒勃醒因起沐更衣抵廟中時塑者求髮植鬚計

無所出卒曰夜夢帝索余髮意此故也因以首向塑者塑者

應手而落卒如其數崇正志

陽江郎官山舊有銀礦萬曆十四年游民三百聚於山久而不散海防同知方應時慮爲變遣縣所官驅之還報不見一人蓋山高四百餘丈周一百餘里偵有捕者則他徙故也方乃遣一卒入山合衆歃血而盟其黨信之盡得其姓名起居以報縣所官曰吾輩實無所見而卒是信寧不濫及他人及捕至卒言某日某殺豬子幾劬其日某爲某事其黨具服解散於是縣所官乃服方之智畧也又頓鉢山有盜方嘗得盜繹而用之令拏竹筏賣於山下一盜見賣竹者飲之酒賣竹者亦置酒於筏邀之俄一卒詭買竹因留同飲少間又一卒至賊見耳目非是遂赴水三人亦赴水擒之方之智畧皆此類也陽江志

張純田心人內庭太監掌內禁有墓前碑記高輅撰

高明志

甯謹順德人其鄉有黃蕭養之亂調兵征討謹與母陳俱為

廣右土兵所獲載以歸道經高要之桂林母潛脫去因就程

家居焉後謹進京師為闈兒有智慧歷陞御馬監知母在高

要奏聞檄有司尋訪乃得之桂林有司敦送至京母子相抱

泣後母思歸謹送還鄉以壽終於高要諭賜祭葬有司營塚

於南海之小金山按謹與力士可謂異世同符矣

舊志

張國正萬厯間為陽江所吏目所故無解正雜居民間與居

民康厚同室甚密邇偶小僕竊其盤幣於市正意是康也訟

之官康勢屈抵罪無所控日夕謁關帝廟號訴不置忽一夕

僕狂叫仆地呵正負康者再遂往取其盤歸鄰人凜其赫為

正羣請廟中僕遂甦

崇正志

王瑞珍向屠於市一夕歸見灶下火甚熾一宰官衣絳紅從戶入直趨火中忽不見珍遂兩目俱暗數月復夢衣絳者與語珍恠而啟之破土僅尺得墓誌一片大鐫趙宋巡檢字甚

著珍封其土別瘞之目復明事在萬厯丙辰歲

陽江志

林如玉住家壘峯後萬厯庚子羣婢適舂聞室中聲如金石婢告王玉破土僅尺扣之空空因縫黥者視之云穴深丈餘周七八丈許卽取烈炬入視火在上焰盈尺漸入漸斂僅如燈以爲壙則無物以爲非壙則去土方尺堅可乘屋亦異境也

鄧全慎教諭陽江萬厯戊午夏與張心石課奕薄暮戶外瓦礫飛至鄧意爲木客也戲謂之曰汝妬余局耶擲者益紛沓如雨張懼起鄧入坐小齋縱觀其伎少頃斃交集杳恩聲

震屋瓦如是者凡三四夕鄧密遣從者持楮幣告城隍神迨  
莫投擲僅三四至瓦礫所及飄散無聲鄧爲之撫掌大笑怪  
亦旋息俱同上

陳亞記肇慶衛軍也暴恣無賴父死遠遊莫知所之閱數載  
母老饑死隣人爲之殯葬及歸誣陷隣人萬厯十四年五月  
中賄於西城樓亭中倏爲雷擊於城下葉志

成化二年剿滅大藤峽賊以大藤爲三鼓椽圍一丈長三四  
尺黑潤若角沉然一置廣州都司堂一置肇慶府門上一置

梧州總兵府其聲逢逢亦時相應廣東新語

國朝阮元蘇鼓詩武仙歷千載乃產此巨藤峽夾右江水一  
藤橫如鉅查沉夜浮波妖由亂人興誰其斷藤者桓桓韓中  
丞藤斷復段截造鼓示劍懲中空肩以革圍量丈五繩繫以  
老獺血十里開盤臺阜陶不用木坐令驛弗勝陽明來駐節  
應嘆見未曾軍門復東徒鼓在端州仍懸樓數百載聲歷峽  
九層江隨響與答山魅應且惜我今過海南訪峽升思陵猶

何須冷德與民不犯陵峽中無伏莽野燒宵如經士民耕古  
寨有產亦可恒襄盛與責挂此外非所能東歸過舊府復訪  
此鼓微大昕郡樓上援桴來共

登治平聲更和淵潤江水澄

胡森蘇鼓歌擊慶郡樓鼓鞀人制怪疎冒凡易兜革縣當垂

鐵緝實表軍州壯豈爲岳賊與太守朝放衙淵驚蘇丞晏

安詎忘警寇亂胡弗憲在昔陳將軍四操如截繩此州用其

一 大葵鳴鼓登岩星與欲徐洞石欄雞勝龍山與桂陽村巨

奇未會都墨與鷄婁么小皆昆仍偉哉草莖聲高遠踰崖層

黃帝未得擊雷賦賦又信端江三峽險比之崑二陵幕府七

營甲養氣雲可凌水清無鯨穴夜靜惟漁徑三百卅三烟太

平聲有恒羅旁千轟花妖變再不能隆隆逐田祖甘雨來休

微必效陳王舞合配唐鐘登

蒼梧聽三歲山川悅劉澄

夏修忽藤鼓歌宮保阮公好稽古携我同觀古藤鼓鼓形麗

大質渾堅壘高五尺圍丈五其色黧黑類角沉其聲逢逢懽懽

鏗虜云是前朝韓中丞蕩平寇亂鎮斯土我聞有明成化之

初年羅旁搖賊勢蔓延大緝山頭列羽葆九星岩下紛烽烟

江邊怪石哨賊出峽裏妖藤渡賊還官軍屢討不能制惟藤

實助僞惡估不悛拒拒御史雍奉詔伸天討道左壺漿察瘵

謀帳前戈甲爭兇蕩若頭十萬動地來孤種千山如籜掃機

槍進落妖氛清新取長藤等戮鯨製爲三鼓置重嶺蒼梧鬱

鬱連羊城是鼓獨傳三百有餘載郡樓雷雨驚鼙鳴公來摩

摩三嘆息作詩以記古人績今公禁暴安我民春雨秋霜亦



齊澤公詩勒石公德存後之視今今視昔吁嗟乎駭越之金  
半燭餘新息熱名未磨滅英雄寔監各有奇藤鼓直與銅鼓  
匹君不見西江之水牂牁洞來大藤永斷雙峽開妖不能與民  
氣樂落日漁舟唱晚回又不見天馬峯高勢插雲年年花發  
鳥啼春社鼓聲喧戰鼓  
歐儻拾盡屠太平人

鄧占鰲高要人少孤其母苦節育之及長浪賭破產迫於母  
訓遂携婢新喜之三水縣母薪水漸缺日倚門泣久之婢復  
逃鰲無倚仍返其舍母慰而諭之而黠傲如故也天啟丁卯  
四月二十一日鰲方與羣少年博風雨大作沙石投屋者三  
鰲著紅屐出視巨雷猝發掣鰲至田間一里許擊其一屐如  
粉而止家人偵得所在見鰲仆地袒無衣而體殊不烙有爪  
痕自左足中指起迤邐腰脊直貫頂心紅如硃直如線未死  
負歸而蘇具言有金甲神數其忤母狀仍令改過云高要志  
陽江馮璉城中居民也素無賴一過客挾重貲未旦出途璉

往殺之掠其貨縣令林恭章率衆觀璉亦往林命人舁其屍仍號衆曰虜利彼財耳若等且勿歸家吾當自有處璉從後語曰殺人取財歸家何用所與屍忽轉首相視衆大開合曰是汝賊殺復何疑璉魂碎遂俯首伏罪獄訖不易

陽江志

梁確吾順德人爲黃江廠雄靈能伺權司意旨剝行商稍不如意力能死之崇正四年二月府照磨應明聘署權米商葉敬陽者舟抵廠確吾重責之陽弗與會陽尙遺餉銀一兩確吾乃嗾應繫之獄絕其薪水司獄蔣啟相憐請釋之不兩日死矣次年七月確吾病買舟歸順德比登舟見敬陽垢面執索阻路爲索命聲其姪振益大驚棄去確吾於是垂首涕泗不復養生活矣次日誡其子勿學而翁叮嚀數四舟出羚羊峽見揚撲之大叫一聲吐血死

高要志

崇正三年五月德慶州太學生李逢宗一日乘馬回鄉越過街河步爲洪潦衝沒馬不見宗卽疾奔下流橫截以援宗賴以生

德慶志

崇正十二年德慶州高良雲強埔山上有二石一大一小忽一日大石先墜下山平田去數里而止鄉人以爲異後一日小石復墜與大石同止一處因號曰公婆石

同上

唐文拱少有文名領廣西鄉試時夢懸狀元牌額於座右遂有蒼志至令封川葺莫狀元棹楔刻扁於堂右因晚其名氏在傍渾如前夢

吳志

府城舊識云黃江沙頭圓筆慶出狀元又曰新江水射羚羊峽肇慶舉子多黃甲嘉靖間於郡後衙園得狀元扁莫審其由陽江亦有識云汀州青草連南恩出狀元

同上

嚴學思高時縣平步村人弱冠補博士弟子員氣傲岸謂  
掇科第如拾芥而久困棘闈年將四十始舉於鄉又復自負  
謂南宮之捷轉瞬可俟仍下第歸由此惘惘若失卜筮之詢  
殆無虛暑或言我村洪聖廟其神甚靈盍往祈焉學思卽携  
襪被夜宿殿無恍惚夢神告曰汝欲成名須俟麥而炫乃同  
榜耳驚喜而寤及遍訪知名之士並無其人偶一日自村入  
城東門外亦有洪聖廟見塾師訓課其中相與談忽一童子  
呈書放於前視其姓名則麥而炫也因細問年歲里居嘿誌  
而去不以告人是時炫方髫齡越十有餘載炫一舉得雋學  
思欣然資以行李偕入京師崇正辛未科俱成進士聯舫旋  
鄉乃話前夢

臚

斗姥像在肇慶七星巖名摩利支天菩薩亦名天后花冠瓔

珞赤足兩手合掌兩手擎日月兩手握劍天女二俸盤在左  
右盤一羊頭一兔頭前總制能文燦之所造也文燦招撫鄴  
芝龍時使芝龍與海寇劉香大戰菩薩見形空中香因敗滅  
文燦以爲菩薩卽元女蚩尤爲暴時黃帝仰天而嘆天遣元  
女下授黃帝兵符伏蚩尤又嘗下天女曰魃以止蚩尤風雨  
古聖人用兵皆以神女爲助於是傾貨十餘萬爲宮殿極其  
壯麗以答之今廣州府粵秀山上亦有斗姥殿像亦壯嚴省志  
郡北石室最勝處爲觀音巖中爲璇璣臺其上有縣石凝綴  
若雙鳳然苞羽騰躍之勢畢具每濃霧甚雨或見其翱翔出  
人無何爲中貴鑿其一去舟至羚羊峽遇驟雨幾不免乃亟  
棄之江今一尙存葉志

高明舊識云將軍破腦方成縣將軍故山名也頂圓聳正統

間鄉人結寨其上平之至成化果立縣

志

陽江昔爲南恩州宋初命官多惡其瘴厲鮮能至任謂之遙授或有至者但見村郭男女競持蔬茹魚蝦之屬質於市片晌卽散就中螃蟹最饒故陳滑稽有云使君之五馬雙旌名目而已螃蟹之一文兩個實則有焉

同上

陳竹所世居蜃場其子出傭菜忽拾金斤許子心動急置菜筐中父曰無然將有尋此者少頃一偉丈夫至索所遺金狀甚劇陳曰公倉皇者何曰是遺金耳陳顧子取筐授之意殊不懣一時觀者賞其義不置口故曰匹夫慕義何處不勉

江陽

志

歐陽巡簡廟在廣寧縣城西相傳勝國時死難者其神靈最著凡民間之失盜往祈之三五日間忽附於盜者之身自首

其事或自持所盜物送王家及還而莫知所以每歲端午迎

賽之事將畢附會中一人言一年災祥如左券

廣寧志

相打岡在陽江縣西十里相傳五月五日鄉民競鬪其中以勝者爲福死者昇歸葬之不與較先期數日鬼物紛拿崇岡上瓦石無端飛至以待鬪者及期傍岡諸村分班角勝至死乃已男女輕觀者至千餘人比過期往視則岡上瓦石寂無所有

陽江近狀好傳言而不附理喜造謗而不覆真有陽江吏部閻羅之稱曰吏部妄議官評也曰閻羅好談生死也俗人又

謂之陽江口

俱同上

陶三廣嘗從高州開一河自新江直達肇慶功垂成爲人所阻今因前緒而繼之費不大而成永利蓋雷廉欽地方水路

不通故少商販開此河則四郡積滯之粟可由河至廣新春  
諸父老嘗言欲興水利此地爲先

廣東新語

陶公欲開河三道一從那龍渡東一里許鑿之以通恩平縣  
南階山之水以達蜆岡一從綿陽滘沿海而西以達豐頭港今淤  
之水皆遇石而廢一從南津港沿海而西以達豐頭港今淤  
然那龍之水達於階山不過十里南津之水達於豐頭不過  
三里今取他道另鑿迄有成功亦百世之利也

新興河頭有渠形在林阜中可以疏鑿使水南行三十里許  
直接陽春黃泥灣以通高雷廉三郡舟楫免車牛挽運之苦  
穀米各貨往來旣便則東粵全省之利也

同上

開河之說嘉慶間大府欲興水利屢委員勘視均報  
不能行道光九年李制軍盧撫軍復委肇羅道許乃



濟權肇慶府金蘭原親行履劫自河頭至黃泥灣陸路五十里中多岡嶺村落田園邱墓且天堂墟地勢高亢水源微細疏鑿難施恩平南岸至那龍沿河長六十餘里有河形處十之七中間積石儘可開鑿惟工費甚鉅開通後僅能至陽江而止欲往高廉雷三府須在清湖那且等處就陸穀船斷不能通至由綿陽涌以達麻濠由南津港以達豐頭港此二道均屬陽江電白接壤處先經嘉慶間查無舊開形踪即使可鑿就亦只能通電白鹽船而高廉雷穀船仍難直達省會於大局無甚裨益緣是中止

南越志云古度樹南人號曰柁不華而實實從木皮中出如綴珠璫其實大如櫻桃黃則可食過則實中化蛾出亦有爲

蚊子者

北戶錄

新州郡境有藥土人呼是吉財解諸毒及蠱神效無比俗云昔有人遇毒其奴吉財得是藥因以奴名名之實草根也類芍藥遇毒者夜中潛取一二寸或剉或磨少加甘草詰日煎

飲卽愈

房千里投荒雜錄

賢人石在靜德都樓逕山相傳昔人入山爲親採藥遇仙於

此跪伏於石仙授之藥歸已親疾至今石上兩膝痕宛然

吳志

頂湖普供堂舉槌椎聲輒有白衣男子入索食食兼十人猶未飽復與粥數斗竟啜無遺已而出卧草間四體堅直腹猶枵然衆意其多食致斃則曰無恐吾四體皆腸食足則滿故堅直唯不下咽耳下咽卽消腹充而起矣衆疑其非人默念開咽伽佗咒聞聲遽遂下山去訊諸山中老人云此餓鬼托

生也昔有僧日夕施食有鬼受施如常人後知爲鬼懼而語之曰定業難逃欲離苦趣當皈依三寶得復人身某鄉某方祈嗣盍往生其家承佛慈力脫離針嚙苦報乎鬼如其言僧潛往訊之其家果生一子卽此人也尙有餘殘夙報針嚙不下必瀆咒力加持乃克納受佛法之不可思議也如此

頂湖山志

菩提樹在德慶州城西光孝寺後高十餘丈大數十圍傳說始自漢時因創菴於其下以樹名之 國朝康熙八年出孫

枝一株秦知州移植香山不活又仍生於舊坎

德慶志

國朝順治三年丙戌雷鳴得行都有耕夫守田寮被震死翼日鄉人往觀髮寸寸結背有字如蝌蚪形莫能識詢其人無他惡惟爲人傭耕不當意主人饋餉輒拋餘飯田腔中噫人之惡大於拋飯者多矣安得雷霆盡擊之

開平志

順治十八年夏龍見於邑之萌畔長潭始起有黑雲一縷如植薄空上垂如尾形旁有數乙字環繞映日不可逼視旋有大風雨隨之漂壞田禾數十頃

康熙三年七月古博平康多虎傷人甚衆鄉人設竹簽火銃百計擒之不能得後知縣高子翼至爲文檄告城隍神并督令民壯設法追捕其患始息

康熙二十四年邑大雪赤堦一帶河流凝結成冰或爲峯巒蟲篆萬字之形近村竹樹經雪多折占者曰冰寒爲金兵象樹折金克木也明年土賊嘯聚皂幕山古博等都大被其毒見事紀俱同上

高明縣治東南六七里有村曰禾倉頭陂塘屈曲叢灌陰翳海王廟側鶴木一株大可合抱俯陰潭水康熙丙子五月爲

颶風所拔村人剪裁其枝而薪之其本則枯仆水中已三年矣已卯五月初十忽自起立於本上復生新枝其葉排比尖長蒼翠偏反殆如鶴羽離襪勢將飛翥是村又有龍眼樹而荔枝實者已二十年皆可異也

版版

兩廣總督轅門兩旗竿東西省各至其一康熙甲寅二月白晝飛火忽焚其右焦灼過半晉卜史曰火焚其旗不利行師是年孫延齡竊據桂林攻之屢挫益亦兆之先見者歟

同上

頂湖別峯舊有石如船長五丈廣七尺梳舵具備康熙辛亥八月十二夜忽風雷雨電大作陸地水深數尺失石船所在

高要志

康熙辛巳二月肇慶府北門王道士家畜一牡豕約五十餘觔晚臥牆下飼之不食捶之不起視其頸有紅痕如線道士

以其病也將剗而齧之而日已暮次日清晨召屠未至忽見是豕徧體作粉紅色委皮於地若蠶之脫殼者然口嚙嚙有聲起而疾走道士心嫌其怪驅豕并携所退之皮送於福田禪院僧以酥油塗之新肉日漸光堅而舊皮連卷尙挂於

壁紙

易宏聞喜縣張侯廟碑余抵晉之聞喜縣鄉落間有張侯廟余過之意其桓侯也翼辰往謁而司廟者已知余姓氏跪而捧簡請爲廟記曰神所命也廟立已四十餘年向者境中常出妖崇民多奇疾蠱賊傷苗神降於其家曰余增城粵人張家玉也爲捍災害以安爾民吾當司爾土於是立廟虔祀而闔邑安然皆神之賜之也茲來夢告曰晨有吾鄉易君至習知吾事若請其記文足不朽矣故豫知而備柬以懇余聞言

驚異瞻仰侯貌劍履森嚴追想英風慷慨泣下嗟乎侯廟已  
立四十餘年而記有侯宏之不肖宏生也晚侯之奇行軼事  
宏不足以盡知况侯忠義在天壤文章在方策宏記何足重  
而侯之命宏者亦知人間有宏矣宏何以承侯之嘉命哉因  
誌其事於碑陰而爲之記曰運匪登三數丁陽九古人不辛  
而生其世痛何可言然斯世不有斯人斯道當不至今而已  
絕矣斯人也當國家大變不料死生不計成敗知其不可而  
爲之卒之見危授命生爲烈士歿作神明古今所傳不可泯  
沒斯士之有侯廟者侯降靈而人祀之降夢而余記之豈偶  
然哉余侯鄉人也侯才畧胆識睥睨一世氣節文章高越千  
古當國祚淪亡之日倡義海隅常以一旅之師屢摧勁敵雖  
古名將無以過之一時英風可謂盛矣然血戰數年未獲中

原尺寸之土而孰意關山萬里地北天南車塵馬足所未經者歿而廟食其間哉此其正氣所存固無往而不在也當燕京之陷也侯以翰苑詞臣致身許國自分死矣卒留未死之身間關南返旋舉義旗斯時大事已定天命已去而侯獨以海上孤軍挽落暉而爭逝鼎其百折不回之心瀕死者數矣瀕死而不死天哀其未竟之志而不忍死之不忍死之而不得不死之是以不死於燕而死於粵不死於就獲而死於疆場不死於三年之前而死於三年之後死者其皎然不滓之身不死者其浩然流行之氣語曰死有重於泰山於侯有焉功雖未竟而義足以暴於天下後世事不盡錄嶺外人能言之嗚呼烈矣彼亂臣賊子戴其行屍其爲魍魎豈待誅鋤之日哉其化爲異物固已久矣惟忠誠之士有殺身以成



仁者歷古今而長存何者誠之所至自無乎不至也曩者茲鄉嘗多災患自立廟而土安人和祀典所謂有功者祀之侯之廟也宜也侯諱家玉號芷園廣東莞人以進士歷任兵部侍郎歿於陣贈增城侯諡文烈考建廟之年則殉難之次年也贊曰天有日月地有山河人有正氣充塞兩間桓桓我侯忠格天地浩氣流行純亦不已作廟奕奕于彼高原碑枕

龜跌鐘懸螭首易子作記以垂不朽

張芷園稿附錄

雍正二年春古博都有鄉人八山採筍見二雉馴於巖以鋤擊之獲其一歸其一雉隨之俄而被獲雉死後雉悲鳴觸石死於畦畔二雉俱白綠色異於常雉邑人爲作義雉行世之吉相先凶相避者愧此雉也夫

舊志

雍正十年四月新興縣城西壁岡廟開桂花五朵大如梅瓣

新興志

乾隆間

年次失考

四會縣有瞽者過迎仙橋失足一跌兩目頓開

惴恍間不識歸路倩人引歸此瞽由睡反背因跌而瞳轉也

橋名迎仙不啻金針一撥銀海重明卽謂之遇仙亦可

四會志

陳魯齋太守夢人贈句云夢回碧落三千里筆瀉銀河十二

時醒後不解後守端州卒於亥年十二時亥也碧落山在端

州隨園詩話

肇慶府高要縣署皆有鐵磚相傳爲包孝肅烏臺之磚無稽

之談耳或云明時西潦爲患用形家言鑄此磚以厭水患

聞紀

府署中有樹一株不知何時枯死自明及今四百餘年根枝

不朽邑人呼爲鐵樹俗名搖錢樹又園中老樹成林每有海

鳥棲其上若羣集夜鳴則太守必有遷徙之事同上

洞初師講法於肇慶府城西甫一月而聽者千人適江水大至不及講筵者數尺衆皆驚欲散去師曰吾方闡化於此而馮夷不順豈吾誠不足以動天地感鬼神乎於是削木爲牌書止水二字標座前水遂止而講如故衆紳士爲築止水亭寶康熙元年七月事也後百餘年余觀察是邦慕師之行重新法輪寺寺前亭已淪沒乃卽其地建亭仍顏以止水併記其事以示世之好法與不好法者師名智度湖廣祁陽人乾隆三十六年二月辛巳

耿壽平記

道光四年鶴山縣衙堂右產靈芝數莖大者如盤小如盎形

理屈曲咸稱吉祥云

徐香祖詩序

徐香祖紫芝歌云

皇帝御極之四載閱春夏秋凡三時鶴山縣衙堂右个靈根

蟠結成靈芝其形屈曲其理直吉靈幾朵紛葳蕤大者如盤  
小如盈高下偃仰步參差紫質白章素爲絢叩之如石堅  
持上天生材弗擇地我初視之了不奇冥明視戚走相告云  
是嘉瑞宜成詩君錫非種殆已盡異品能不欣蕃德君修學  
校旣葺事菁莪變化成希夷或云其應家有慶森挺秀偕  
孫枝或云量移赴南海庭留神草作去思多謝諸公愛我厚  
令我愧慙難爲辭是芝非芝未可必天卽生芝豈我私  
朝瑞氣遠邊徼此邦三秀當可期客爲我祝重我罪俗吏詎  
足招仙姿紛紛贈言勝  
芝采聊賦長歌以答之

嘉慶己卯夏五月設飲郡廨園亭中赤輪行空火雲如熾荷  
香未升林葉間寂解衣磅礴觥籌紛挐昔人河朔之飲亦猶  
是乎日過哺忽驟雨從西南來涼風旋至颯然冷然賓從求  
衣少長離坐未及移晷出口燭燭清颺遽杳突見雙虹從池  
中蜿蜒而起去亭堦止數武森然光芒金碧灼灼然照曜  
楹桷俄頃而失衆皆以爲莫睹之奇也越日有客來謁予曰  
昨溯西江而上日過哺舟出羚羊峽口西望長虹亘天暑雨

倏止渺不知爲郡治池中物也常考文子尙德篇天二氣卽成虹毛詩疏云虹是陰陽交會之氣純陽純陰則虹不見釋名虹攻也純陽攻陰氣也月令正義引郭氏音義云虹雙出色鮮潤者爲雄雄曰虹闇者爲雌雌曰蜺然則是日所見爲虹也無疑矣夫虹之爲異也化玉於周而宣父聖吐金於晉而薛願富其爲嘉祥之徵也明甚今一見其形近若可接何不可謂之爲嘉祥亦何必證之爲嘉祥適然而見者奇也予將顏其亭曰雙虹志實也適受代去郡不果因記之嘉慶己

卯六月旣望覺本金蘭原書

金蘭原  
虹現記

嘉慶二十四年二月高要縣有姑孀婦謝何氏訴其媳陳氏毒殺六謝熙煥縣令韓公際飛不能決乃夜訊於包孝肅廟時吳中金公蘭原權郡守凌晨韓來謁公曰觀君神悴昨夜

得無有公事耶韓以實對公曰其情若何韓曰彼婦已承與私者十人也公曰得無可疑卽午再訊我且爲汝聽之是時以事阻將不往適左右報羅都府誕辰宜往壽公冠服至其門闕者曰訛言也方回車望高要縣門外洶洶集犯聽訊公遂往觀之閱其牘疑益甚集鄰人反覆核之皆云不知而婦所承如故公乃叱退左右靜叩婦以毒殺情狀婦不能言縷詢之乃知某實陰症死向者所承縣役謝昌教之也覆檢驗果無傷是日卽在屍場堂斷觀者數千人公謂陳氏曰若此汝家固清白如昔所承則汝身死名污與私者皆得罪矣婦大哭失聲數千人莫不嘆息垂淚婦年十九一子方兩月家貧甚饑不自給公曰汝年少將他適乎婦益大哭曰一夫死冤幾不可白倘再適不幸而夫又死安得青天重如公者

公乃命其隨姑歸姑曰不能也昨日縣來相驗與從須十金  
費已將破屋典償此安歸耶又大哭公乃罰前教丞役出金  
贖之府縣復以金五十授陳姑媳爲生產邑人咸稱公之明  
而公以爲孝肅之靈云

采訪冊

肇慶府志卷二十一終

高要周汝珉校字

羊城內西湖街  
富文齋承刊印